

爾

雅

正

義

爾雅正義卷第十五

齊開校理前修加二級教習庶吉士充國史館纂修官邵黃集

卷十四

洪範云木曰曲直曲直作酸孔

雖其為酸一是木實性然月令春云其味酸

是也易曰木乎地者親下指植物而言凡草木

之屬皆植物也至於辨其植物生則各有所宜大

司徒土會之屬云山林其植物宜阜物川澤其

植物宜膏物丘陵其植物宜礧物墳衍其植物

宜茨物先鄭謂植物根生之屬阜物柞栗之屬

膏物謂楊柳之屬後鄭謂礧物李梅之屬茨物

薺茨王棘之屬此篇所釋凡山林川澤丘陵墳

衍之所植或別其異名或詳其形狀正其名然

後能辨所宜也古者列樹以表道故司徒各以

其野之所宜木遂以名其社與其野後世若粉

榆名社丹楊名縣猶周官之遺制矣竹木生平

地者曰林故林衡所掌有大林麓中林麓小林麓之殊此篇言槐棘桑柳椒楸桃李之醜類舉以概其餘也竹類見釋草而此篇復云如竹箭日苞以草之質勁者與木同性也白虎通義云木觸也陽氣動躍觸地而生也說文云木冒也晝地而生東方之行也釋名云木冒也華葉自覆冒也木類有喬者條者莖者核者其自相覆冒則同

栢山榎註今之山楸正義詩疏引李巡云山榎一名栢

炎本秦風毛傳為義也釋文云榎舍人本作榎古通用亦作夏學記云夏楚二物鄭註夏栢也羅願以為榎形圓楚形方互相備也詩疏引陸璣疏云栢今山楸也亦如下川楸耳皮葉白色亦自材理好宜為車板能溼又可為棺木宜陽共北山多有之案今山楸南方山中有之其材理頑堅陸璣以為耐溼者是也註今之山楸。正義下文云大而散楸小而散榎郭以栢為山楸所以別於小葉之榎也詳見下文

栲山櫟註栲似櫟色小白生山中因名云亦類漆樹俗

語曰櫟櫟栲漆相似如一正義小雅云南山有栲唐

名山櫟是櫟之生於山者名栲也詩疏引舍人云栲一

耳吳人以其葉爲茗方俗無名此爲栲者似誤也今

所云爲栲者葉如櫟木皮厚數寸可爲車輻或謂之

栲櫟許慎正以栲讀如輶今人言栲者失其聲耳案

說文云楓山櫟也繫傳引爾雅以爲楓卽櫟也註栲

似至如一。正義詩疏引郭註作色小而白說文繫

傳作色小白與今本同又詩疏引郭註多俗語曰櫟

栲栲漆相似如一十一字釋文則以爲方志之文也

今据詩疏增補櫟者說文云櫟或作櫟繫傳引字書

櫟木似櫟圖經本草云櫟木櫟木形幹大抵相類但

櫟木實而葉香可噉櫟木疎而氣臭膳夫亦能熬去

其氣北人呼櫟爲山櫟是本草以櫟爲櫟也櫟櫟二

木相似栲卽櫟之生山中者漆木色白葉似櫟故俗

語以為四木相似如一也

柏

**註**

禮記曰鬯白以栒

**正義**

栒一名栒說文作栒

多節虞翻云陽剛在外故多節松柏之屬也松柏乘

具陽剛斯柯葉之勁不隨時改矣魏書引尚書逸篇

云東社唯柏白虎通義謂仰周官所云各以土地所

宜也魯頌云新甫之柏本草別錄以為生太山山谷

今栒所在有之三月華九月實其葉側向生者謂之

側栒

**註**

禮記至以栒

**正義**

雜記云鬯白以栒杵以

栒是其狀也

髡

栒

**註**

未詳

**正義**

說文云栒栒木未析也栒栒木薪也

於神為宜

**正義**

說文云栒栒木未析也栒栒木薪也

**榿**

**榿** 白榿也樹似白楊

**正義** 榿一名榿榿弓云榿榿一鄭註云所謂榿榿也凡榿

因能涇之物又云榿謂榿榿榿榿著之言也鄭君所見爾雅木榿作榿註白榿至白楊。 **正義** 玉篇云榿木似白楊釋文引字林云木似白楊一名榿今白楊木高大葉圓似梨而青而背白肌細性堅用為梁拱久而不槁榿木與白楊相似也

**梅**

**梅** 似杏實酢

**正義** 梅一名梅秦風終南云有條有梅毛傳云梅梅也衆經音義引樊光

云荆州曰梅揚州曰梅益州曰赤榿似豫章無子也是樊光不以梅之名梅者為似杏之梅矣詩疏引陸璣疏云梅樹皮葉似豫章豫章葉大如牛耳一頭尖赤心華赤黃子青不可食榿葉大可三四葉一葉木理細緻於豫樟子赤者材堅子白者材脆江南及新城上庸蜀皆多樟榿終南山與上庸新城通故亦有榿也陸璣說與樊光略同詩釋文引沈重云孫炎稱荆州曰梅揚州曰榿重實揚州人不聞名榿沈氏之

意以揚州人無稱標梅為枏者故駁正孫註覈以樊  
 光之說則梅枏即赤梗矣今江南人皆稱枏木鹽鐵  
 論云江南之枏梓竹箭是也註似杏實酢。正義郭  
 註山海經云枏大木葉似桑今作楠爾雅以為枏不  
 言其似杏實酢也玉篇云葉似桑子似杏而酸則合  
 郭氏兩註而連言之案說文云梅枏也可食或以為  
 似杏實酢之証然說文又有某字釋云酸果也是則  
 大木之枏似杏實酢之梅說文固分為二矣文選註  
 又引郭璞云枏木似水楊蓋郭氏前後分註疑未能  
 定也今從陸璣疏枏似豫章一名梅下文英梅為似  
 杏之梅

詳見下

披黏註

黏似松生江南可以為船及棺材作柱埋之不

腐

正義

說文云披黏也又云枏木也徐鉉云今俗作

杉非是今杉木所在有之圖經本草以為木類松  
 而徑直葉附枝生是也或以披子一名榲實永昌人  
 呼為野杉遂分披為黏之類非雅義也註黏似至不

腐。正義說文繫傳引爾雅註云生江南可作船又耐與今本互有詳略

櫟註柚屬也子大如孟皮厚二三寸中似枳食之少

味正義櫟一名櫟說文云櫟木可作牀註柚屬至少味。正義齊民要術引郭註作中似枳實今本

無實字櫟爲柚屬卽范成大所謂廣南臭柚大如瓜可食其皮甚厚者也

桤註似椽細葉葉新生可飼牛材中車輞關西呼桤

子一名土櫟正義詩疏引舍人云桤一名櫟小雅云

俱所宜也考工記弓人取幹之道櫟次之後世爲車輪者或用爲輻之牙焉詩疏引陸璣疏云桤櫟也葉似杏而尖白色皮正赤爲木多曲少直枝葉茂好二月中華疏華如練而細葉正白蓋樹今官園種之正名曰萬歲旣取名於億萬其葉又好故種之共汲山下人或謂之牛筋或謂之櫟材可謂弓弩幹也案陸



氏謂櫨取名於億萬蓋因小雅以栲栳與省壽而申言其義爾註似棣至土櫨正義郭註山海經云柎

似棣而細葉又云櫨中車材與此義同文選註引郭璞云櫨似桑疑傳寫之訛

楸木瓜

註實如小瓜酢可食

正義木瓜一名楸衛風云投我以木瓜韓詩外傳以

爲於木瓜見包苴之禮行焉考工記弓人取幹之道木瓜次之木經註云魚復縣地多木瓜樹有子大如

鰾白黃甚苦香爾雅之所謂楸也今木瓜南方所在有之產中土者爲良小者如握拳註實如至可食

正義齊民要術引詩義疏云楸葉似柰葉實如小瓜上黃似著粉香欲炙者截著熱灰中令萎焉淨洗以

苦酒或汁蜜度之可案酒食蜜封藏百日食之甚益人故郭氏以爲可食也

棕卽來

註

今棕材中車輞

正義

棕一名卽來太平御覽引爾雅舊註云棕有髓熊折

而乳之本草蘇恭註云葉似柿兩葉相當子細間如牛李子生青熟黑其木堅重煮汁赤色註今棕至車

輞 ○正義 玉篇云椋材中車輞也木郭註為義  
釋文引埤蒼字林並作椋云椋也玉篇亦作椋

栲 栲註 樹似槃櫟而庠小子如細栗可食今江東亦呼

為栲栗 正義 栲一名栲大雅皇矣云其灌其栲毛傳  
用爾雅內則云芝栲蒨棋孔疏引賀氏說以

栲為軟栗案今軟栗不間名栲疑賀氏以意度之耳  
栲即大雅之栲後世所謂栲栗矣詩疏引陸璣疏云

葉如榆也木理堅韌而赤可為車輞廣韻云楚呼為  
芋栗或作茅栗傳寫之訛也關經本草云茅栗細如

椋子其樹雖小葉亦不殊但春生夏華秋實冬枯為  
異耳 註 樹似至栲栗 ○正義 今栲栗有二三實作一

椋者是其子細也詩釋文引舍人云江  
淮之間呼小栗為栲栗郭註與舍人同

椋落 註 可以為栲器索 正義 椋一名落小雅大東云無  
浸椋薪鄭箋椋落木名也案說

文以椋為椋字之或體云椋木也以其皮裹松脂詩  
疏引陸璣疏云今栲榆也其葉如榆其皮堅韌剝之

長數尺可爲繩索又可爲篋帶其材可爲柶器是櫟  
之爲用多取其皮陸疏與說文同櫟爲散木雜於薪  
蘇故詩連言櫟薪註可以至器素○正義詩疏引  
某氏云可作柶圈皮鞣繞物不解案柶素柶棬也

柚條註

似橙實酢生江南

正義

柚一名條禹貢揚州云厥包橘柚玉篇云柚似橘而

大是也柚爲南方之木故列子湯問篇云吳楚之國  
有大木焉其名爲櫟碧樹而冬生實丹而味酸食其  
皮汁已憤厥之疾齊州珍之渡淮而北而化爲枳焉  
橘柚皆不踰淮屈原橘頌所謂受命不遷生南國也  
韓非外儲說云樹橘柚者食之則甘嗅之則香今南  
人多喜植之文子尚德篇云橘柚有鄉是楚人之言  
也註似橙至江南○正義郭註山海經云櫟似橘而  
大皮厚味酸與此註互相證明也云似橙實酢者不  
使橙潤於柚也本草蘇恭註云柚皮厚味甘橘皮味  
辛而苦柚肉如橘有甘有酸酸者名壺甘今俗或謂  
櫟爲柚非也云生江南者呂氏春秋木味篇  
果之美者有雲夢之柚今南方所在有之

時英梅

**釋**

雀梅

**正義**

時一名英梅說文云枹梅也繫傳

酸果古文作𣎵是為似杏實酢之梅也召南云標有梅釋文引韓詩作棣毛傳云盛極則墮落者梅也夏小正云五月煮梅為豆實也天官籩人饋食之籩有乾蓀鄭註乾蓀乾梅也是周以梅為籩實矣內則所云梅諸卽乾梅也齊民要術引詩義疏云梅杏類也樹木葉皆如杏而黑耳實亦似杏而酸亦生啖也煮而曝乾為腊置羹臠壘中又可食以香口亦蜜藏而食**註**雀梅○**正義**齊民要術引郭註云英梅未聞與今本異雀梅者本草別錄云一名千雀葉與實俱如麥李是梅之別種也案傳記多言梅此舉其種之異者言之下文

釋桃李亦然

援柜柳

**註**

未詳或曰柳當為柳柜柳似柳皮可以煮作

飲

**正義**

援一名柜柳說文云柳櫟柳木也繫傳引爾雅

**註**

未詳至作飲○

**正義**

援柜柳之名不見於它

書故郭云未詳或曰柳當爲柳存異說也玉篇云柳  
柜柳與或說同柜柳後世謂之檉柳葉似檉而狹長  
大者高數丈皮麤厚今山中采茗者或雜柳葉  
以眩人檉柳亦其一也監本脫以字今從宋本

柳子註

作樹

正義

嘉祐本草引孫炎云柳一名子小雅  
四牡唐風鴉羽並云集于苞柳柳木叢密

而槿固故詩謂之苞柳矣柳葉如櫛而斜理四五月  
華黃色實如離支核而銳蒂上有斗以包之故謂其  
實曰皂斗卽下文所云櫟其實櫟也大司徒土會之  
法山林其植物宜皂物先鄭以爲皂物柞栗之屬今  
世間謂柞實爲皂斗後鄭典染草註則以爲象斗也  
說文云柳柔也其實皂一曰櫟繫傳云皂亦曰皂斗  
俗謂之櫟可染皂故曰皂子赤栗之屬莊子曰徂公  
賦子足也說文又云櫟櫟實繫傳云今俗書作櫟莊  
子徐無鬼居于深山拾櫟栗而食案櫟實可食故詩  
言騶鴝並集於櫟鳥有知者也呂氏春秋恃君篇云  
冬日則食櫟栗高誘註櫟皂斗也其狀似栗是不獨  
狙與鳥食之人亦食之矣今山中人飢歲以爲糧葉

之柔者可代茗飲註柞樹。正義詩疏引陸璣疏云今柞櫟也徐州人謂櫟為柞或謂之為柞其子為皐或言皐斗其殼為汁可以染皐今京洛及河內多言柞汁謂櫟為柞五方通語也陸疏所以廣異名郭云柞樹與陸疏同今汝州人呼為櫟子生山谷中殼可染皐以不經雨者為良

# 味莖著註

釋草已有此名疑誤重出

正義周禮註引杜

莖著之味是味有蘇音莫戒反與音味者師讀不同也釋文引舍人本莖著作抵都樊光木著作屠是舍人樊光俱不以為重山之名註釋草至重山。正義郭註釋草以莖著為五味故疑此為重山然齊民要術引皇覽家記云孔子冢墓中有五味木則五味亦有木本矣

# 蘼莖註

詩曰山有蘼今之刺榆

正義蘼一名莖舊疏引

其葉如榆淪為茹美滑如自榆榆之類數十種葉皆相似皮及木理異矣註詩曰至刺榆。正義郭所引

詩唐風文今本毛詩作樞隸釋載石經魯詩作蔭郭  
註本於魯詩也云今之刺榆者所以別於大榆也監  
本脫詩曰山有蔭五字  
今据太平御覽增補

杜甘棠註今之杜梨

**正義**杜之甘者為棠召南云蔽芾  
甘棠杜與棠相似而實殊甘棠味

滑美而杜味澀酢此味之殊也下文云杜赤棠白者  
棠此色之殊也說文云杜曰棠北曰杜此性之殊也  
繫傳謂木有牝牡者去其  
牡則牝者不實詳見下

狄臧棹貢纂註

皆未詳**正義**玉篇云狄臧棹也釋文引  
舍人本棹作臯樊光本作格案

說文云楷木也讀若皓  
貢纂無考監本臧作藏

枕繫梅註

枕樹狀似梅子如指頭赤色似小柰可食

**正義**

枕一名繫梅本草云山植一名枕子一名繫梅齊民  
要術引廣志云枕木易長多種之為薪又以肥田郭

註山海經亦云杙可燒糞田註杙樹至可食。正義今杙生高原有二種小者高數尺多枝柯葉銳而刺上其華白其核若牽牛子矣大者高丈餘華葉同而實大經霜乃赤

杙者聊註

未詳

正義

聊玉篇作櫟云木名也杙本誤作杙釋文云郭音糾

魄榼榼註魄大木細葉似榼今河東多有之齊人諺曰

上山斫榼榼先殫

正義

魄一名榼榼似榼之木也一名榼迷又作繫彌太平御覽

引廣志云繫彌子赤如栲栗可食蘇恭本草註以為

莢迷子兩兩相對色赤味甘註魄大至先殫。正義

詩疏引陸璣疏云榼木皮正青滑澤與繫迷相似又似馭馬馭馬梓榆故里語曰斫榼不諦得繫迷繫迷

尚可得馭馬繫迷一名挈榼故齊人諺曰上山斫榼挈榼先殫案陸疏以榼榼為挈榼榼挈聲之轉也榼

榼皮可為索故伐木者取之



侵木桂

**註**今南人呼桂厚皮者為木桂桂樹葉似枇杷

而大白華華而不著子叢生巖嶺枝葉冬夏常青間

無雜木

**正義**侵一名木桂說文云侵桂也桂江南木

書王會篇云自深桂呂氏春秋本味篇云招搖之桂

屈原遠遊云嘉南州之炎德兮麗桂樹之冬榮桂南

方之木也南方草木狀云桂生合浦交趾生必高山

之顛冬夏常青其類自為林更無雜樹有三種皮赤

者為川桂葉似柿者為南桂葉似枇杷者為牡桂蜀

本草云牡桂葉似枇杷葉狹長於南桂一二倍其嫩

枝皮半卷多紫而肉中皺起肌理虛軟謂之桂枝又

名肉桂削去上皮名曰桂心其厚者名曰木桂**註**今

南至雜木。**正義**郭註山海經云桂葉似枇杷長二  
尺餘廣數寸味辛白華叢生山峯冬夏常青間無雜  
木與此註同說文繫傳引郭氏桂讚云桂生南裔拔  
華峯嶺廣漠熙葩凌霜津頴氣王百木森然雲挺

榆無疵

**註**榆梗屬似豫章

**正義**榆一名無疵管子地員篇云其木宜蟻宜菴菴卽榆

也說文云榆毋杣也是無疵本作毋杣也釋文引字書云無疵榆也本又作疵廣韻又作杣云無杣木也

**註**

榆梗至豫章

**正義**

郭氏舉類以曉人也顏師古

漢書

註云豫卽枕木章卽樟木二木生至七年乃可

分別今樟木高丈餘葉似栲四時不彫大者數抱肌理細縟雕刻之氣甚芬烈

楮

**註**腫節可以爲杖

**正義**

楮一名橫大雅皇矣云其

中腫似扶老卽今靈壽是也今人以爲馬鞭及杖詩疏亦引陸疏無卽今靈壽是也六字多宏農共北山

甚有之八字漢書孔光傳云賜太師靈壽杖孟康曰扶老杖也服虔曰靈壽木名顏師古曰木似竹有枝

節長不過八九尺圍三四寸自然有合杖制不須削治也陳藏器本草註以爲生劒南山山谷圓長皮紫

**註**

腫節至爲杖

**正義**

詩疏引孫炎云橫腫節可

以作杖

釋文

引樊光

註與孫炎同郭註本樊孫

檉河柳註今河旁赤莖小楊旄澤柳註生澤中者楊蒲

柳註可以爲箭左傳所謂董澤之蒲正義此別楊柳之類也大司徒

土會之法川澤其植物宜膏物先鄭云膏物楊柳之屬理致且白如膏故爾雅釋楊柳以爲河旁澤中之木也夏小正云正月柳稊稊也者發孚也三月委楊楊則花而後記之此析柳與楊而分言之也爾雅以檉旄爲柳可作箭者爲楊其種類固殊矣然三百篇多連言楊柳傳記皆合而舉之故檉爲朱楊楊爲蒲柳其名未嘗不互通也○檉河柳○大雅皇矣云其檉其楮毛傳檉河柳也疏引某氏云河柳謂河旁赤莖小楊也陸璣疏云生河旁皮正赤如絳一名雨師枝葉似松案河柳今南方道旁有之亦呼爲檉柳近根皮赤亦有莖白者陸疏以爲一名雨師未審其命名之義後儒傳會謂天之將雨檉先知之起氣以應此指楊枝起風者而言河柳小幹不如是也○旄澤柳○旄爲澤柳細葉猗儺垂枝映水因風眠起有似

於舞今人謂之垂絲柳○楊蒲柳○王風揚之水云  
不流束蒲鄭箋以爲蒲柳疏引陸璣疏云蒲柳有兩  
種皮正青者曰小楊其一種皮紅者曰大楊其葉皆  
長廣似柳葉皆可以爲箭幹故春秋傳曰董澤之蒲  
可勝既乎今又以爲箕籬之楊也案唐本草謂之水  
楊註今河至小楊○**正義**說文云柳小楊也郭氏子  
虛賦註云朱莖柳生水邊與此註義同顏師古漢書  
註亦云朱楊赤莖柳也生水邊○左傳至之蒲○**正**  
**義**宣十二年傳文

**權黃英輔小木****註**權輔皆未詳

**正義**說文云權黃華木按釋

草云權黃華草木之華有相似也輔者鄭風山有扶  
蘇毛傳云扶蘇扶胥小木輔爲扶胥之合聲小雅正  
月云無棄爾輔言任載  
之車旁輔之小木也

杜赤棠白者棠註棠色異異其名

**正義**上文云杜甘棠  
所以別其味此又別

其色也唐風云有扶之杜毛傳杜赤棠也六書故引舍人云白者爲棠赤者爲杜爲甘棠爲赤棠詩疏引樊光云赤者爲杜白者爲棠陸璣疏云赤棠與白棠同耳但子有赤白美惡子白色爲白棠甘棠也少酢滑美赤棠子澀而酢無味俗語云澀如杜是也赤棠木理韌亦可以作弓幹註棠色至其名○**正義**郭意以杜之名從棠而辨也今棠梨似梨而小二月華色白實如小棟子霜後可食

諸慮山嶼**註**

今江東呼嶼爲藤似葛而麤大攝虎嶼**註**

今虎豆纏蔓林樹而生莢有毛刺今江東呼爲檳櫛

**正義**

此別嶼之類也○諸慮山嶼○諸慮一名山嶼

困上六云困于葛嶼周南櫛木云葛嶼之嶼卽山

嶼也蔓生似葛故易詩皆連言之劉向九歎云葛嶼藥於桂樹兮王逸註葛嶼巨荒也齊民要術引詩義疏云嶼莖荒也似燕嶼連蔓生葉白色子亦可食酢而不美幽州謂之椎嶼○攝虎嶼○攝一名虎嶼卽

虎豆也古今註云虎豆一名虎沙似狸豆而大註今

江至麤大○正義江東呼粟為藤者廣雅云藟藤也

似葛而麤大者押韻釋疑云藟似葛葉似艾白色子

赤可食○今虎至檳榔○正義郭註山海經以藟為

虎豆狸豆之屬狸豆一名黎豆虎豆則虎藟也莢

者廣雅云豆角謂之莢釋文引字林云草實也

杞枸櫞

註

今枸杞也

正義

說文云杞枸杞也檳枸杞也如九五云以杞包瓜釋文引張氏

說以為苟杞也小雅四牡云集於苞杞毛傳用爾雅

左氏昭十二年傳云我有圃生之杞乎杜註云世所

謂枸杞也證類本草引陸璣疏云一名苦杞一名地

骨春生作莢茹微苦其莖似莓子秋熟正赤莖葉及

子服之輕身益氣爾註今枸杞也○正義左傳疏引

舍人云句杞也禮記疏引孫炎云即今枸杞也郭註

本孫炎本草云一名杞根一名杞忌一名地

輔太平御覽引吳普云一名枸已一名羊乳

杭魚毒

註

杭大木子似栗生南方皮厚汁赤中藏卵果

**正義** 杭一名魚毒管子地員篇其木宜蚘蛄蛄卽杭也玉篇云杭木名出豫章煎汁藏果及卵不壞也杭監本誤作杭今從宋本**註** 杭大至卵果○**正義** 急就篇云烏喙附子椒芫華顏師古註云芫華一名魚毒漁者煮之以投水中魚則死而浮出故以爲名其根曰蜀桑其華可以爲藥芫字或作杭爾雅曰杭魚毒郭景純解云大木生南方皮厚汁赤堪藏卵果此說誤耳其生南方用藏卵果者自別一杭木乃左思吳都賦所云條杭枕櫨者耳非毒魚之杭也案說文作芫魚毒顏氏以芫華駁正郭註誠有據矣然中山經云首山草多木芫郭氏彼註云芫花中藥是郭氏非不知草類有芫華也特以爾雅載杭於釋木而南方實有大木名杭者故不以爾雅之魚毒爲芫華劉逵吳都賦註引異物志云杭人樹也其皮厚味近苦澁剝乾之正赤煎訖以藏衆果使不爛敗以增其味豫章有之此正可與郭註相證明豈得遽以郭氏爲誤解哉顏監所據者漁人以芫花藥魚耳以今驗之藥魚者不皆用芫華而創瘍有所謂魚尾者以杭子敷

之卽差是亦杭子名爲魚毒之證也言各有當知郭註本可非矣

欒大椒

**註**

今椒樹叢生實大者名爲欒

**正義**

椒之大者名欒唐風云椒

聊之實蕃衍盈升陳風云貽我握椒毛傳椒芬香也周頌云有椒其馨芬香之物古以和酒又以作佩離騷云雜中椒與箇桂兮又云懷椒精而要之九歌東皇太一云奠桂酒兮椒漿湘夫人云播芳椒兮成堂九章悲回風云折芳椒以自處皆於芳物有取焉詩疏引陸璣疏椒聊聊語助也椒樹似茱萸有針刺葉堅而滑澤蜀人作茶吳人作茗皆合煮其葉以爲香今成阜諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香東海諸島亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香案本草有秦椒蜀椒兩種蜀椒一名巴椒一名唐菰唐本註云秦椒葉及莖子都似蜀椒但味短實細圖經云蜀椒高四五尺四月結子無花但生於葉間



如小豆顆而圓皮紫赤色此椒江淮及北土皆有之  
但不及蜀中者皮肉厚氣味濃耳

**正義**郭註山海經云椒為木小而叢生  
下有草木則盡死殺其質大者之名也

桼鼠梓

**註**

楸屬也今江東有虎梓

**正義**

詩疏引李巡云鼠梓一名桼小雅云

北山有桼毛傳用爾雅釋文以為楸屬

**正義**詩疏引陸璣疏云其樹葉木理如楸山楸  
之異者今人謂之苦楸圖經本草鼠李亦名  
風梓然花實都不相類或別一物而名同爾

楓櫟

**註**

楓樹似白楊葉圓而岐有脂而香今之楓香

是

**正義**

說文云楓木厚葉弱枝善搖一名葉葉又云  
葉木葉搖白也繫傳云木遇風而翻見葉背背多

白故曰搖白也楓木一名葉葉義出乎此廣韻引孫  
炎云櫟櫟生江上有寄生高三四尺生毛一名楓子

天旱以泥泥之仰雨今楓木所在有之楚辭所謂湛  
湛江水兮上有楓也

**註**

楓樹至香是

○

**正義**

本草蘇

頌註云今南方及關陝甚多樹甚高大似白楊葉圓而作岐有三角而香二月有花白色乃連著實大如鵝卵八月九月熟時暴乾可燒案廣韻引爾雅云楓有脂而香蓋引爾雅舊註之文郭註山海經亦云楓木卽今楓香樹也

# 寓木宛童

**註**

寄生樹一名蔦

**正義**小雅頍弁云蔦與女蘿疏引陸璣疏云蔦一名

寄生葉似當盧子如覆盆子赤黑甜美案方言云寓寄也寄附於大木而生故謂之寓木廣雅云宛童寄生樹也又云寄屏寄生也廣異名也今寄生多於桑上木草云桑上寄生一名寄屑一名寓木一名宛童後漢書註云百草至寒皆彫落惟寄生獨榮於桑上**註**寄生至名蔦。**正義**中山經云龍山上多寓木郭氏彼註云寄生也說文云蔦寄生也

# 無姑其實夷

**註**

無姑姑榆也生山中葉圓而厚剝取皮

合漬之其味辛香所謂蕪荑

**正義**廣雅云山榆母姑也是無姑為榆類也其

實名夷頤九二云枯楊生荑釋文引鄭註云枯謂无

姑山榆荑木更生謂山榆之實是鄭亦以無姑為山

榆矣秋官壺涿氏謂之牡樺杜子春云樺讀為枯枯

榆木名是也春秋繁露郊語篇蕪夷生於燕橘柚死

於荆此言物性之相感也**註**無姑至蕪夷。**正義**顏

師古急就篇註云蕪夷無姑之實無夷一名樺榆生

於山中其莢圓厚剝取樹皮合漬而乾之成其辛味

此据郭註而申言之也王應麟補註引本草云榆類

而差小其實亦早成今人多取作屑以芼五味

**櫟其實棗**

**註**有棗彙自襄

**正義**上文云榧杼所以別二名杼又名櫟此言其實彙襄

也秦風晨風云山有苞櫟疏引陸璣疏云秦人謂柞

櫟為櫟河內人謂木蓼為櫟椒櫟之屬也其子房生

為棗木蓼子亦房生故說者或曰柞櫟或曰木蓼璣

以為此秦詩也宜從其方土之言柞櫟是也案陸疏

從秦中方土之言以柞櫟為櫟然元和郡縣志引周處風土記云吳越之間名柞為櫟是不獨秦語為然故郭氏上文註直以柞為柞樹也淮南時則訓云十二月其樹櫟高誘註云櫟可以為車轂木不出火惟櫟為然

**註**

**正義**

詩疏引孫炎云櫟實

櫟也有株葉自裏郭註本孫炎釋文引舍人云櫟實名株也案櫟實即阜斗一名為櫟株與萊通所謂聚生成房也以株為名誤矣故郭氏不取

**棧蘿**

**註**今楊棧也實似梨而小酢可食

**正義**

棧一名蘿

作羅秦風晨風云隰有樹棧太平御覽引陸璣疏云棧一名赤蘿一名山梨今人謂之楊棧樹及實如梨但小耳一名鹿梨一名鼠梨今齊郡廣縣堯山魯國河內共地有人亦種之極有脆美者亦如梨之美者詩疏引釋木云棧赤蘿疑連引舊註之文

**正義**

太平御覽引廣志云陽棧子似梨大如杏可食與

郭註同

楔荊桃

**註**

今櫻桃

**正義**

楔一名荊桃月令仲夏之月羞以含桃孔疏云諸月無薦果之文此

獨羞含桃者以此果先成異於異物故特記之高誘

呂氏春秋註云鸛鳥所含故曰含桃今之朱櫻是也

淮南時則訓註云含桃鶯桃也此皆荊桃之異名也

太平御覽又引吳普本草云一名牛桃一名英桃

今櫻桃。**正義**廣雅云櫻桃含桃也齊民要術引廣

志云櫻桃大者如彈九子有長八分者有白色者凡

三種

旄冬桃

**註**

子冬熟

**註**

實如桃而小不解核

**正義**

此別桃之異種者也桃之冬熟者名旄說文作檇冬

桃今之十月桃也生山中者名檇桃夏小正云正月

梅杏也桃則華也桃山桃也六月煮桃桃也者也桃

也也桃也者山桃也煮以爲豆實也**註**子冬熟。**正義**

齊民要術引廣志云桃有冬桃夏桃案冬桃至

今有之朱弁謂密縣有一種冬桃夏花秋實八九月

間桃自開其核墮地而復合肉生滿其中至冬而熟  
味如淇上銀桃而加美此冬桃之異種也桂海虞衡  
志云冬桃狀如棗軟爛甘酸冬月熟○實如至解核  
○正義太平御覽引曹毗魏都賦註云山桃子如胡  
麻子此言其小也又引裴淵廣州記云山  
桃大如檳榔形亦似之色黑而味甘酢

**休無實李註**一名趙李座接慮李註今之麥李駁赤李

**註**子赤

正義此別李之異種者也李之無實者名休  
座為接慮李廣韻引爾雅作性接攄李監本

座誤作座今從宋本李之赤者名駁齊民要術引廣  
志云麥李赤李細小註一名趙李○正義郭氏据時

驗也今未聞○今之麥李○正義陶註本草云李類  
甚多京口有麥李麥秀時熟小而肥甜羅願云為果

肉厚而乾與核相離○子赤○正義羅願以為李之赤而有水者也

**棗壺棗註**今江東呼棗大而銳上者為壺壺猶瓠也邊

**要棗**

**註**子細腰今謂之鹿盧棗。檿白棗**註**卽今聚子

白熟。棧酸棗

**註**

樹小實酢。孟子曰養其棧棘楊敬齊

**棗**

**註**未詳。遵羊棗

**註**

實小而圓紫黑色。今俗呼之爲

羊矢棗。孟子曰曾皙嗜羊棗。洗大棗

**註**

今河東猗氏

縣出大棗。子如雞卵。煮填棗

**註**

未詳。蹶泄苦棗

**註**子

味苦。皙無實棗

**註**

不著子者。還味。檢棗

**註**

還味短味

**正義**

夏小正云八月剥棗。剥也者取也。爾風與夏小

正同。周禮以棗爲饋食之簋。實曲禮又以爲婦贊焉。

棗類孔多。此分斷其名也。壺棗者釋文引孫炎云棗

形上小下大似瓠。故曰壺是也。要棗一名邊。唐石經

邊作簋。白棗一名檿。今之白色棗也。說文云檿木可

以爲車軸材也。酸棗一名棧。檿卽棘也。魏風云園有

棘其實之食毛傳云棘棗也淮南兵畧訓云伐棘棗而為矜高誘註云棘棗酸棗是又名棘棗也齊棗一名楊微釋文云微木或作微羊棗一名遵說文棗羊棗也是以為棗之總名也大棗一名洗本草謂大棗曰良棗史記所謂安邑千樹棗也與棗一名煮若棗一名蹶泄無實者名哲還味者名棗棗後世棗類有出於爾雅之外者然於爾雅所釋未能盡悉也註今江至瓠也○正義此據時驗以壺棗為象形也壺猶瓠者古者壺瓠通用禹貢壺口史記作瓠口左傳實諸瓠正杜註作壺正亭七月毛傳云壺瓠也○子細至廬棗○正義太平御覽引廣志云棗有細腰之名要古腰字○即今至白熟○正義今之白棗也凡棗至熟時多作紅色或作黑色惟白棗則熟時仍色白耳監本作白乃熟宋本無乃字今從宋本○樹小至棘棘○正義今酸棗無大樹結實生青熟紅而皮薄孟子曰養其棘棘者告子篇文趙岐註云棘棘小棘所謂酸棗也說文云棘小棗叢生○實小至羊棗○正義羊棗樹小北人有植於園圃者實紫黑而甘俗



呼為羊奴棗因羊矢棗而訛也郭引孟子盡心篇文  
趙岐註云羊棗棗名也○今河至雞卵○正義齊民

要術引廣志云河東安邑棗太平御覽引杜氏新書  
云杜畿為河東太守劉勳常從畿求大棗是河東故

多大棗矣大如雞卵舉其大者言之也晉書地理志  
司州河東郡猗氏縣今為蒲州府猗氏縣○子味苦

○正義今苦棗色青而小味苦人多不能食○不著  
子者○正義今有無核棗此蓋為不華而實者也○

還味短味○正義說文作櫨味隱棗繫  
傳引爾雅註云還味短若也與今木異

### 櫨註

今梧桐為夏木桑為中央之木棘為秋木棗為

冬木木生於春故梧為陽師所宜養者矣梧似桐而

皮青理細而積葉亦似桐稍小而銳四月間華下垂  
細葉莢長數寸結實蔞滋秋落葉鄂鳥喜食之古亦

謂之梧桐羅願以為櫨者棺之別名疑卽左傳所謂  
桐棺三寸也

樸枹者

**註**

樸屬叢生者為枹詩所謂械樸枹櫟

**正義**此釋枹即

為枹也方言云樸聚也郭氏被註云樸屬藥用者貌

說文云樸棗也棗疑聚字之訛繫傳謂爾雅釋木方

說諸棗而連屬云樸枹者則註解者自然以此樸為

棗也是徐鍇以許慎引爾雅註為漢時舊本未之詳

也**註**樸屬至枹櫟○**正義**詩疏引孫炎云樸屬叢生

謂之枹郭註本孫炎鄭註考工記云樸屬附著堅固

貌孔穎達云樸屬謂根枝迫近相附著之貌詩所謂

械樸枹櫟者大雅云芄芄械樸秦風云山有苞櫟

謂樸采薪采薪即薪

**註**

指解今樵薪

**正義**

此言薪采之事月令季冬收秭

薪柴鄭註大者可折謂之薪小者合束謂之柴薪施

炊爨柴以給燎高誘淮南註即就也是即薪為就薪

也謂樸采薪未斲其義釋文謂舍人引上句樸梧合

在此句以謂字作彙釋云樸梧者樸枹者樸者其理

也樸者相迫附也彙者並也如竹箭一讀曰枹也樸

名采薪又名即薪樊光引詩云薪是穫薪荊州曰柞

木采木詩人不曉薪意言薪謂身即薪伐之也李巡云采薪一名彙觀言即薪謂二薪也孫炎引詩云薪是穫薪薪一名彙觀四家之說小有異同以謂字作彙蓋爾雅家相傳之舊說也

**棧棧其註**

棧實似柰亦可食

**正義**說文云棧邀其也今爾雅本邀作棧齊民要術

引異物志云梓棧性貞勁堪作船其實類棗**註**棧實至可食○**正義**郭註山海經云棧一名速其子似柰而亦可食與此註同說文繫傳引郭註無赤字

**劉劉杙註**

劉子生山中實如梨酢甜核堅出交趾

**正義**劉一

名劉杙南方草木狀云劉樹子大如李實三月花包仍連著實七八月熟其色黃其味酢煮膏藏之仍甘好**註**劉子至交趾○**正義**太平御覽引吳錄地理志云交趾羸樓縣有劉子樹出山中實如梨而味酸美郡內皆有之與郭註同吳都賦作榴劉逵註云榴子出山中實亦如梨核堅味酸美交趾獻之案劉榴以

聲近相通爾或以此為安石榴非也

榲桲大葉而黑註榲樹葉大色黑者名為榲守宮榲葉

畫聶宵炕註榲葉晝日聶合而夜炕布者名為守宮

槐

正義此別槐之類也秋官朝士掌外朝之法而三槐三公位焉白虎通義社稷篇引尚書云北社宜

槐淮南時則訓以為九月其樹槐也槐細葉而綠四月華色黃六七月之間實垂枝扶疎夏得其蔭古者多植於庭謂之庭槐其大葉而黑者別名榲又有守官槐葉晝合而夜分布故謂之守官註槐葉至官槐

○

正義

初學記引孫炎云聶合也齊民要術引孫炎

云炕張也釋文引樊光本作抗亦張布之義郭註義

本孫炎釋文又引顧野王云炕張也亦本於孫炎也或欲傳會於今之合昏以為晝開宵合疑郭氏為誤解今考太平御覽引晉儒林祭酒杜行齊說在朗陵縣南有一樹似槐葉晝聚合相著夜則舒布而守宮

也江東有樹與此相反是則守宮之槐畫合  
宵張古人得諸目驗不得傳會為合昏也

槐小葉曰榎**註**槐當為楸楸細葉者為榎大而散楸**註**

老乃皮麤皴者為楸小而散榎**註**小而皮麤皴者為

榎左傳曰使擇美榎正義說文云榎楸也此別其相  
似而殊也楸誤為榎因上文傳

寫而誤也楸之小葉者為榎大者為楸其皮之麤皴  
則同左氏襄十八年傳云伐雍門之萩徐鍇以為萩

即楸也古者列樹以表道伐雍門之楸猶襄八年傳  
所云斬行栗矣離騷云望長楸而太息楸為長大之

木也左傳疏引舍人云大老也皴楷皮也皮者而能  
楷為楸小少也小而麓楷者為榎釋文引孫炎云老

乃皮麤皴為楸皴釋文本作櫟**註**左傳至美櫟○**正**  
**義**襄二年傳文傳又云使樹六櫟於蒲圃又云樹櫟

可材也

椅梓

**註** 卽楸

**正義** 詩疏引舍人云梓一名椅案鄭風定之方中云椅桐梓漆以椅與梓分言之小

雅湛露云其桐其椅以桐椅爲類續漢志註引王堅

小學漢官篇云樹栗椅桐梓胡廣云四者皆木名治

官室并主之是亦以椅梓爲二木也以今考之椅梓

實爲同類詩疏引陸璣疏云梓者楸之疏理白色而

生子者爲梓梓實桐皮曰椅則大類同而小別也書

疏云梓木之良者治之宜善後遂以爲木之工匠之

名**註** 卽楸。**正義** 鄭註考工記云梓復屬楸卽楸也

齊民要術云楸梓二木相類白色有角生子者爲梓

或名子楸或名角楸黃色無子者爲柳楸亦呼荆

黃楸也說文繫傳云今人名賦理曰梓質白曰楸

栝赤棟白者棟

**註**

赤棟樹葉細而岐銳皮理錯戾好叢

生山中中爲車輞白棟葉圓而岐爲大木

**正義** 小雅四月云隰

有杞栝此別其赤白之異名也說文云栝赤棟也詩

疏引舍人云栝名赤棟也某氏云白色爲棟其色雖

異為名同江河間棟可作鞍釋文云棟又作橑註赤

棟至大木。正義詩疏引陸璣疏云棟葉如柞皮薄

而白其木理赤者為赤棟一名棟白者為棟其木皆

堅韌今人以為車轂郭註又以葉之細圓為辨也

終牛棘

註

即馬棘也其刺麤而長

正義

九家易云坎為

此晰其類也牛棘一名終蓋棘之大者鄭註士喪禮

云世俗謂王棘砭鼠王棘可以砭鼠是其類也註即

馬至而長。正義中山經云大苦之山有草焉其狀

如榆方莖而蒼傷其名曰牛傷郭氏彼註云猶言牛

棘也牛棘一名

馬棘廣異名也

灌木叢木

註

詩曰集于灌木痠木苻婁

註

謂木病疋偃

癭腫無枝條贅肬

註

樹實繁茂薈肬枹適木魁癭

註

謂樹木叢生根枝節目盤結硯磊

正義

大雅皇矣云其灌其柵說文引

詩云譬彼痍木周南桃夭云有蕢其質廣韻引詩云  
抱有三枿此分釋之也。○朶木叢木。○夏小正云澤  
也者聚生者也說文云叢聚也詩疏引李巡云木叢  
生曰朶木易謂之莽鄭註云莽叢木也說文又以鬱  
爲木叢生者楚爲叢木平土有叢木曰林是皆推言  
其類也釋文本朶作朶。○朶木荷婁。○朶木今毛詩  
作壞木傳云壞朶也謂傷病也說文云朶病也一日  
腫有出也荷說文作疴云俛病也婁說文作瘻云頸  
腫也木性喜喬及受病則多拳曲而擁腫疴瘻言其  
病狀也詩疏引某氏曰詩云譬彼朶木疾川無枝荷  
婁厄偃內疾朶故疾用無枝釋文以爲卽樊光之  
說矣釋文又引李巡云荷婁一名朶木無枝木也。  
蕢朶。說文以蕢爲雜喬艸假借以爲木蕢錯雜之  
貌詩言蕢蕢亦形容其多故以蕢爲朶也毛傳云蕢  
實貌是也詩疏引舍人說以荷婁屬此句樊孫郭皆  
所不從也。○抱道木魁朶。○此覆釋上文樸抱者之  
義說文云道迫也釋文云謂叢積迫而生詳見上文  
郭以朶朶釋魁朶取其聲相近也此中釋上文朶木



苻婁之義也註詩云至灌木。

**正義**周南葛覃文毛傳用爾雅

**械白桜註**

桜小木叢生有刺實如耳璫紫赤可啖

**正義**械一

名白桜大雅云芄芄械樸疏引陸璣云三蒼說械卽  
柞也其材理全白無赤心者爲白桜直理易破可以  
爲積車輻又可爲矛戟矜今人謂之白楸或曰白栢  
此二說不同未知孰是案薛綜西京賦註謂今白栢  
也本草以爲麤核是也**註**桜小至可啖。**正義**陶註  
本草云麤核大如烏豆形圓而扁有文理狀似胡桃  
核圓經本草云紫細似枸杞而狹長花白子附  
莖生紫赤色大如五味子葉多細刺與鄆註同  
**梨山檣註**卽今梨樹。**正義**梨生山中者名檣子虛賦謂  
之離文選註引張揖云離山梨也  
王篇云檣山梨也皆以檣爲山中之梨也顏師古急  
就篇註謂梨一名山檣非也。**註**卽今梨樹。**正義**說  
文云梨果也今梨樹高二三丈葉銳而  
膩二月華色白結實生啖之亦可蒸食

桑辨有甚梔註辨半也女桑棧桑註今俗呼桑樹小而

條長者為女桑樹正義說文云桑蠶所食葉木夏小

此釋其甚與其類也。桑辨有甚梔。魯頌泂水云

食我桑黯毛傳黯桑實也說文作莪云桑實也小爾

雅云桑之實謂之甚杵之實謂之椹桑實白自變紅

至熟而黑乃可食故字或從黑王肅農書云荆桑多

甚魯桑少甚此地氣之殊也釋文引舍人云桑樹一

半有甚半無甚名梔樊光與舍人同。女桑棧桑。

爾風七月云猗彼女桑毛傳女桑莢桑也莢與棧通

鄭箋女桑小枝長不枝落者束而采之註今俗至桑

樹。正義郭註本鄭箋以女桑為樹名詩疏引集註

定本云女桑柔桑取周易枯楊生黃之義黃是葉之

新生者非郭義也

榆白粉註粉榆先生葉卻著莢皮色白正義詩疏引孫

炎云榆白者名

爾雅正義

卷十五

三

粉或以榆為白粉者誤也陳風云東門之枌毛傳枌  
白榆也鄭註內則云榆白者枌玉篇云枌白榆也榆  
類至多上文已釋刺榆山榆此又言榆之白者為枌  
也註枌榆至色白○正義此別枌與榆之異也赤榆  
未生葉時先著莢莢既拆葉方生白榆則先生葉卻  
著莢此為異爾白榆名枌故亦稱為枌榆也枌皮本  
白剝而去其麤殼中更白而滑內則所謂莖莖枌  
榆免藥澣澣以滑之殆榆取其葉枌取其皮與

# 唐棣

**註**

今白棣也似白楊江東呼夫棣

正義

詩疏引

一名棣唐棣與常棣異而詩考引韓詩序云夫棣燕  
兄弟閑管蔡之失道也藝文類聚引三家詩云夫棣  
之華莢不焯焯誤以唐棣為常棣兼明書引孔氏論  
語解唐棣棣也又誤以常棣為唐棣也舊疏引陸璣  
疏云與李也一名雀梅亦曰車下李所在山皆有其  
華或白或赤六月中熟大如李子可食案郭云似白  
楊則與陸璣所云與李者異也註今白至夫棣○正義  
白棣亦謂之棣楊以其似白楊也陳藏器云夫棣

木生江南山谷無風葉動花反而後合詩云唐棣之華偏其反而是也今各本郭註俱脫今自核也四字詩疏及詩釋文引郭註皆有之齊民要術引郭註作白核似白楊蓋已有刪節也今据詩疏增補

### 常棣棣註

今關西有棣樹子如櫻桃可食

**正義**詩疏引舍人云常棣

一名棣小雅云常棣之華又云維常之華舊疏引陸璣疏云許慎曰白棣樹也如李而小如櫻桃正白今官圖種之又有赤棣樹亦似白棣葉如刺榆葉而微圓子正赤如郁李而小五月始熟白關西天水隴西多有之齊民要術引詩義疏云承花者萼其實似櫻桃莫李麥時熟食美北人呼之相思也**註**今關至可食。**正義**顏師古急就篇註云其子熟時正赤可啗俗呼為山櫻桃隴西人謂之棣子

### 檟苦茶註

樹小如梔子冬生葉可煮作羹飲今呼早采

者為茶晚取者為茗一名荈蜀人名之苦茶

**正義**檟一名苦

茶釋文云茶埤蒼作檟今蜀人以作飲音真加反茗之類案晏子春秋有茗菜之文然無以定其爲卽今茗飲漢人有陽羨買茶之語則西漢已尚茗飲三國志韋曜傳曜初見禮異密賜茶薺以當酒自此以後爭以茗飲相尚矣註樹小至苦茶○正義今茶樹小者一二尺大者至數丈葉似梔子南方采葉作飲以春采者爲良釋文云薺檟茗其實一也張揖雜字云薺茗之別名也

欒樸心

註

榘欒別名

正義

詩疏引孫炎云樸榘欒也有心能溼江

河間以作柱名南野有死脂云林有樸榘毛傳樸榘小木也案詩疏引爾雅作樸榘心諸家訓釋俱從詩文作樸榘唯陸氏釋文本作榘榘亦作樸今本仍陸本之舊也註榘欒別名○正義說文繫傳引郭註作榘別名榘與今本異繫傳又云卽今小榘樹栗之類也

榮桐木

註

卽梧桐

正義

桐木一名榮夏小正云三月拂桐芭拂也者拂也桐芭之時也或曰

言桐芭始生拂拂然也案月令三月桐始華至今猶然以桐芭為三月始生者非也羅願云桐與梧既異而桐之中又有數種有其子可以取油者蓋即詩所謂其桐其椅其實離離也有華而不實堪作琴瑟者若生石間其聲則鳴書峰陽孤桐是也

棧木干木

**註**

殭木也江東呼木斲

**正義**

棧木一名干木釋文引樊光本作杆

**廣雅**云杆柘也玉篇云杆殭木也**註**殭木至木斲○**正義**釋文引字書云殭死而不朽木或作偃說文云

偃偃也又作樞江東呼木斲者言其斲斲也

壓桑山桑

**註**

似桑材中作弓及車轅

**正義**

說文云壓山桑也詩曰其壓其

柘說文所引大雅皇矣文也壓為桑類故稱壓桑類師古漢書註以為桑葉之有黑文者是也壓桑之絲謂之壓絲禹貢云厥篚壓絲司馬貞云壓絲是蠶食壓之絲孔穎達以為絲中琴瑟也**註**似桑至車轅○

**正義** 書疏引郭註云柘屬也疑今本註有闕文云材中作弓者考工記云弓人取幹之道柘為上歷桑次之歷桑又可作車轅以桑本之堅韌也

木白斃神

**註**

斃踣立死

**註**

不斃頓留蔽者斃

**註**

樹蔭

斃覆地者詩云其楸其斃

**正義**

此別木枯假之異名也老木非人所裁而自仆

於地者曰神說文作槓云仆木也繫傳云尚書若顯木之有田栢木作俱字作頓假借也既枯之本側立不仆根著於地者曰蒨詩疏引李巡云以當死害生曰蒨是也木勢將下假垂陰委地者曰斃李巡本蔽作斃云斃死也**註**詩云至其斃○**正義**大雅皇矣文毛傳云木立死曰蒨自斃為斃孔疏引爾雅作立死蒨斃者斃而釋之曰以立死之木妨他木生長為木之蒨叔曰蒨也自斃者生木自倒枝葉覆地為蒨斃故曰斃爾雅直云斃者傳以非人斃之故曰自斃案孔氏所見爾雅無自斃神一句劉昭註補續志引爾

雅曰木立死曰菑與孔氏所据本同詩釋文引爾雅云木自斃神蔽者為翳又似無立死菑三字皆所見異本也監本留作櫟

木相磨櫟

**註**

樹枝相切磨櫟斂

**註**

謂木皮甲銷梢梢擢

**註**

謂木無枝柯梢擢長而殺者

**正義**

此釋枝柯皮甲之異也凡兩木枝柯

相竝互相摩戛者謂之櫟說文云櫟木相摩或作櫟是也木之皮甲錯磨者謂之櫟亦謂之斂上文云大而斂小而斂是也木之直疎而無旁枝者謂之梢亦謂之梢擢下文云無枝為斂即擢也方言云擢拔也廣雅云擢出也小爾雅云拔根曰擢文選註引倉頡篇云擢抽也**註**樹枝相切磨○**正義**說文繫傳引爾雅註云謂樹皮相切磨也與此微異

樅松葉柏身

**註**

今大廟梁材用此木尸子所謂松柏之



鼠不知堂密之有美樅檜柏葉松身註詩曰檜楫松

舟正義此別樅與檜之異也松葉柏身者名樅文選

柏之類樅材為最大其性與松相同說文繫傳引李

暹文子註云如樅之常不彫是也柏葉松身者名檜

檜一名栝禹貢荊州云栝餘栝柏史記集解引鄭註

云栝葉松身曰栝釋文引馬融說又以栝為白栝說

文從爾雅以栝葉松身為檜也羅願云檜今人亦謂

之圓栝以別於側栝註尸子至美樅正義釋山篇

註亦引尸子此文舊疏以為緯子篇文正義詩曰至松

見於川

句如羽喬註

樹枝曲卷似鳥毛羽下句曰料上句曰喬

如木楸曰喬註

楸樹性上竦如竹箭曰苞註篠竹性

叢生如松柏曰茂註枝葉婆娑如槐曰茂註言亦扶

疎茂盛

正義釋詁云喬高也苞茂豐也此釋其形狀及木之類也句如羽喬者說文云喬高而曲

也此言其句曲如鳥羽也句有上下之殊周南云南有樛木毛傳云下曲曰樛說文與毛傳同釋文引韓詩作南有喬木故此云下句曰料也上句曰喬者周南云南有喬木毛傳云喬上疎也仰下文所云小枝上縛為喬也如木楸曰喬者禹貢云厥木惟喬木類多喬疎而楸榎椅梓皆為楸類故舉楸以槩其餘也如竹箭曰苞者小雅斯干云如竹苞矣今竹箭之屬皆叢生而穉密也如松柏曰茂者天保云如松柏之茂斯干云如松柏之屬細葉蟠蓋望之憚茂也如槐曰茂者槐葉細綠蟠枝成蓋故亦曰茂也言亦扶疎茂盛正義郭意以槐茂不見於經傳而其扶疎茂盛亦如松柏也監本脫亦字今從宋本

祝州木髦柔英註

皆未詳

正義

祝本亦作祝祝州古音通見春秋傳州玉篇作柎云

木名也齊民要術引南方記云州樹野生三月花色  
仍連著實五月熟剥核滋味甜出武平州樹郎州木  
矣毫一名柔英未詳廣韻連  
引毫柔英於杞字下非也

**槐棘醜喬****註**枝皆翹竦桑柳醜條**註**阿那垂條菜檄醜

**菜****註**菜莫子聚生成房貌今江東亦呼菜菜檄似菜

莫而小赤色桃李醜核**註**子中有核人**正義**此別木

各有其類也。槐棘醜喬。上文云如木楸曰喬楸  
樹小枝上繚槐棘之類亦如楸而喬也秋官朝士掌  
外朝之法左九棘右九棘而三槐鄭註云樹棘以為  
位者取其赤心而外刺象以赤心三刺也槐之言懷  
也懷來人於此欲與之謀案槐棘之屬歲久枝皆喬  
竦樹於外朝則喬木之間羣臣之位焉然所謂故  
國者不在乎喬木而在乎世臣也推言其類則松柏  
之屬亦曰喬故鄭風云山有橋松釋文云橋本亦作

焉。桑柳醜條。說文云：條，小枝也。爾風七月云：蠶月條桑，取彼斧斯，以伐遠揚，毛傳以爲桑之枝遠而條揚也。南方蠶月急，桑則剪其條，今猶古矣。柳條猗猗，故小雅采芣云：楊柳依依，凡桑柳之類皆曰條。芣，檇醜菜。說文云：芣，菜葉繫傳云：菜性叢生如蒿，薇之屬，非木也。故从艸，今通作檇。說文又云：菜檇實裏如表者，檇禮記謂之藪，鄭註內則云：藪，煎菜黃也。漢律會稽獻焉。爾雅謂之檇，孔疏引賀氏云：今蜀郡作之，九月九日取菜黃折其枝，連其實，廣長四五寸，一升實可和十升膏，名之藪也。離騷云：檇又欲充夫佩幃。王逸云：檇，菜黃也，似檇而非檇，喻似賢而非賢也。檇檇之類皆有菜，通作檇。上文云：檇其實，揀是其類也。詩疏云：檇謂檇之房裏實者也。今檇實一裏之內，唯有一實，時有二實者少耳。案今檇菜多實不盡如孔疏所言也。桃李醜核。太平御覽引孫炎云：桃李之屬類皆有核，曲禮云：賜果於君前，其有核者懷其核。註：菜黃至赤色。正義：詩疏引李巡云：檇菜黃也。檇菜黃皆有揀揀實也。郭以菜爲實之房是也。

穀卽菜黃之小者廣雅謂之櫟亦謂之越椒。子中有核人。**正義**核中有仁後世所謂桃仁之類是也

人仁音義  
同古通用

瓜曰華之桃曰膽之棗李曰薹之櫛梨曰鑽之**註**皆啖

食治擇之名櫛似梨而酢澀見禮記**正義**此釋啖食

曰華之者鄭註曲禮云華中裂之不四析也孔穎達云謂半破也桃曰膽之者太平御覽引舊註云膽擇

取其美者孔穎達云桃多毛拭治去毛令色青滑如膽也或曰膽謂苦桃有苦如膽者擇去之也東李曰

壺之者初學記引孫炎云當之去抵也特牲饋食禮云棗栗擇鄭註果實之物多皮核優尊老可蒸裏

之也蒸擇互文是古者於棗李並有治擇去其本抵也櫛梨曰鑽之者孔穎達云恐有蟲故一一鑽看蟲

孔也**註**櫛似至禮記。**正義**說文云櫛似梨而酢郭

註與說文同故內則鄭註以爲梨之不臧者也王禎

農書云：「櫨似小梨，味劣於梨，蜜煮則香美。」過之云：「見禮記者，曲禮云：『為天子制瓜者，副之巾以絺。』為國君者，華之巾以綌。內則云：『栗曰鑽之。』鄭註皆治擇之名也。桃曰膽之，粗梨曰鑽之，鄭註皆治擇之名也。」

小枝上繚為喬註謂細枝皆翹繚上句者名為喬木無

枝為檄註檄權直上木族生為灌註族叢正義此中

義也。上文云：「上句曰喬，此又言其細枝之翹繚也。」說文：「枝，木別出條也。木之喬者，其小枝皆上疎也。」上文云：「梢，梢擢也。」又言檄即為擢直上無旁枝，所以異於喬也。上文云：「灌，木叢木也。」此又言族生即叢生也。詩：「疏引孫炎云：『族，叢也。』顏氏家訓書證篇釋爾雅云：『族，亦叢生也。嫌人不了，故重言之。』」

爾雅正義卷十五

爾雅正義卷第十六

齋閣校理南林陽編修加三級教習庶吉士充國史館纂修官邵晉涵撰集

卷第十六 爾雅

蟲介是蟲其總名大戴禮記易本命云有羽之蟲三百六十而鳳凰為之長有甲之蟲三百六十而鱗鱗為之長有甲之蟲三百六十而蛇龍為之長保

為之長有鱗之蟲三百六十而聖人為之長此統言萬物之數也聚其類分其羣則文子九守篇所云精氣為人粗氣為蟲是也論衡云夫蟲風氣所生倉頡知之故凡蟲為風之字取義於風故八日而化生易本命及淮南地形訓俱云風生蟲蟲八日而化也考工記云外骨內骨卻行仄行連行紆行以股鳴者以胷鳴者以注鳴者以旁鳴者以翼鳴者以股鳴者以胷鳴者謂之小蟲之屬古者博庶



物以刻畫爲器各象其形此篇所釋博其名也  
八蜡有昆蟲之祭鄭康成謂昆明也得陽而出  
得陰而藏之蟲也又謂昆蟲之災螟螽之屬故  
此篇於食苗食葉之蟲分析其名蟲之中又各  
有類鬼谷子權篇云介蟲之桿也必以堅厚螫  
蟲之動也必以毒螫此篇於翦醜螽醜又各言  
其類也

蟹天螻

天螻註螻蛄也夏小正曰螻則鳴正義螻一名天螻月令孟夏之月螻鳴釋文引蔡邕章句以螻爲螻蛄也高誘呂氏春秋註淮南註並以爲螻蛄本草云螻蛄一名天螻一名螻是也螻蛄穴地而生立夏後夜鳴聲如蚯蚓王逸九思云螻蛄兮鳴東以爲陰類之蟲也註夏小至則鳴○正義夏小正云三月螻則鳴螻蛄天螻也是說小正者與爾雅同也說文云蟲螻蛄也廣雅云炙鼠津姑螻蛄螻蛄蛤蛄螻蛄也廣異名也方言謂螻蛄或謂之天螻釋本草者謂螻蛄亦謂之碩鼠又謂之

螻蛄皆名同而實異也螻

蛄之類為螻蛄詳見下

蜚蠊

蜚即負盤臭蟲

正義

蜚一名蠊蠊說文作盧

劉歆以為負蟻也性不食穀食穀為災介蟲之孽劉

向曰為蜚色青近青也非中國所有南越盛暑男

女同川澤淫風所生為蟲臭惡頗師古云蜚者中國

所有非南越之蜚未詳向所說案有蜚見於春秋經

傳而劉向通云非中國所有顏師古駁之是也註蜚

即至臭蟲○正義蜚又名負盤廣雅云負蟻蟻也孔

穎達云本草曰蜚屬蟲也然則蜚是臭惡之蟲害人

衣物故春秋左氏傳曰有蜚不為災亦不書也春秋

經傳皆云有蜚則此蟲名蜚一名蠊蠊而舍人李巡

皆云蜚蠊一名蠊非也此蟲一名負盤漢書及左傳

註多作負蟻以此下有草蟲負蟻故相涉誤耳今案

說文亦云蜚臭蟲負蟻也是蜚亦有負蟻之名也註

蟪蛄入耳

**註** 蚰蛄

**正義** 鄭註考工記云郤行蟪蛄之屬

也蟪蛄一名入耳又名蛤窮淮南說林訓云昌羊去蚤虱而來蛤窮高誘註云昌羊昌蒲蛤窮蟪蛄入耳之蟲也**註** 蚰蛄○**正義** 方言云蚰蛄自關而東謂之蟪蛄或謂之入耳或謂之蟪蛄趙魏之間或謂蚰蛄北燕謂之蚰蛄郭氏彼註云江東又呼蚤音羣

蜩蜉蝣

**註** 夏小正傳曰蜩蜉者五彩具蜩蜉**註** 夏小正

傳曰蜩蜉者蜩俗呼為胡蟬江南謂之蜩蜉蜩蜉

**註** 如蟬而小方言云有文者謂之蜩蜉夏小正曰鳴蜩

虎懸蠶茅蜩**註** 江東呼為茅截似蟬而小青色蜩馬

蜩**註** 蜩中最大者為馬蟬蜩寒蜩**註** 寒蜩也似蟬而

小青色月令曰寒蟬鳴蜩螗螻蛄也一名

蟪蛄齊人呼蟬

**正義**此別蟬之類兼廣其異名也詩疏引舍人云皆蟬也方語不同

初學記引李巡云白蜩蟬有綏鄭註綏為蜩喙長在腹下名不同也檀弓云蟬有綏鄭註綏為蜩喙長在腹下故考工記謂之以旁鳴者古者人君燕食所加庶羞有蜩荀子大略篇云飲而不食者蟬也郭氏讀云物之清潔可貴唯蟬故爾雅釋之特詳。蜩蜋蜩。蜩為蟬之總名其翼有彩色者為蜩蜋小雅菀柳云鳴蜩嘒嘒毛傳蜩蟬也方言云蟬楚謂之蜩陳鄭之間謂之蜩蜋秦晉之間謂之蟬。蜩蜋。蜩為蜩之類也大雅蕩云如蜩如蜩毛傳蜩蟬也蜩蜋也爾雅云五月鳴蜩毛傳蜩蜩也方言云蜩宋衛之間謂之蜩蜩蜩又名蜩詩疏引舍人云三輔以西為蜩梁宋以東謂蜩為蜩陸璣疏云蜩一名蜩切當由其狀相似其聲相混故得通其名矣詩釋文以蜩為蜩屬。蜩蜩。蜩之廣類而有文者名蜩一名蜩蜩衛風碩

人云螭首蛾眉鄭箋螭螭螭也疏引舍人云小蟬也  
青青者某氏云鳴蜚蜚者案毛傳謂螭首類廣而方  
孔穎達亦謂此螭類廣而且方指其體之所似也。  
螭茅蜩。說文云螭小蟬蜩也方言云蜩螗謂之螭  
蜩又云蟬其小者謂之麥蜩是茅蜩一名螭爲蟬之  
小者也。蜩馬蜩。夏蟬之大者名蜩一名馬蜩方  
言云海岱之間謂之蜩其大者謂之螗或謂之蜩馬  
郭氏彼註云按爾雅蜩者馬蜩非別名蜩馬也此方  
言誤耳案說文亦云蜩馬蜩也。蜩寒蜩。寒蜩卽  
寒蟬也夏小正云七月寒蟬鳴蟬也者蜩螗也寒蟬  
一名蜩方言云大而黑者謂之蜩黑而赤者謂之蜩  
說文云蜩寒蜩也方言又云螭謂之寒蜩介池欸間  
人呼秋蟬爲寒螭子。蜩螗螭螗。蜩螗一名螭鹿  
蟬之屬也方言云蜩螗齊謂之螭螗楚謂之螭螗或  
謂之蜩蜩秦謂之蜩蜩西楚與秦通名也案方言以螭螗  
與蟬分爲二類說文云螭鹿蜩螗也蜩螗蜩螗也蜩  
蜩蜩屬是皆螭鹿之別名其爲蜩屬則一也詩疏

引舍人云楚地謂之蟪蛄楚詞云蟪蛄鳴兮啾啾是  
也是舍人以蟪蛄卽蟬矣詩疏又引陸璣疏云青徐  
謂之蜩蟪註夏小至彩具。正義夏小正云五月良  
蜩鳴良蜩也者五彩具初學記引孫炎註亦云蜩五  
色具也案夏小正舊不分經傳郭註釋草引夏小正  
日蒿也者莎蒿蜩者其實亦不稱爲傳附書經籍志  
謂戴德作傳未之詳也郭氏此云夏小正傳是晉初  
卽有分經傳者矣宋傳崧卿夏小正本分晰經傳本  
於郭氏也。夏小至蟪蛄。正義夏小正云五月唐  
蜩鳴唐蜩者區也又云區之興五日翁望乃伏其不  
言生而稱興何也不知其生之時故曰興以其興也  
故言之興五日翁也望也者月之望也而伏云者不  
知其死也故謂之伏五日也者十五日也翁也者合  
也伏也者入而不見也案論衡無形篇蟪蛄化而爲  
復育復育轉而爲蟬蟬生兩翼不類蟪蛄是蟬以化  
轉而生故小正云不知其生之時也十五日而合十  
五日而伏卽淮南說林訓所云蟬三十日而蛻也郭  
又云俗呼爲胡蟬江南謂之蟪蛄者方言註云今胡

蟬也似蟬而小鳴聲清亮江南呼蟪蛄義同。如蟬至虎懸。**正義**詩釋文引王肅云蟪似蟬而小詩疏

引孫炎云方言曰有文者謂之蟪蛄與郭註同案今本方言作有文者謂之蟪蛄其雌蛄謂之少郭又引夏

小正曰鳴蟪蛄懸者今本夏小正云四月鳴札札也者寧縣也鳴而後知之故先鳴而後札。江東至青

色。**正義**郭氏方言註云河東呼為蟪蛄又云如蟬而小今關西呼麥蠶。蟬中至馬蟬。**正義**羅願云

今夏中鳴者比衆蟬最大。寒蟬至蟬鳴。**正義**寒蟬一名寒蟬文子上德篇云寒蟬得木依其所生也

案本草謂蚱蟬生楊柳上故以得木爲依所生矣月令孟秋之月寒蟬鳴鄭註寒蟬寒蟬謂蛻也文選註

引蔡邕章句云寒蟬應陰而鳴鳴則天涼故謂之寒蟬高誘淮南註云寒蟬青蟬也蟲陰類感氣鳴也方

言又以寒蟬爲瘖蟬蓋此蟲不鳴於夏故謂之瘖蟬得秋露之潤乃鼓翼而鳴耳禮記疏引郭註青色作

青赤。卽蛻至蟪蛄。**正義**莊子逍遙遊云蟪蛄不知春秋釋文引司馬彪云惠姑寒蟬也一名蟪蛄春

生夏死夏生秋死崔譔云蛸蛸也或曰山蟬秋鳴者不及春春鳴者不及秋高誘註淮南道應訓云螻蛄蛸蛸也廣雅云螻蛄蛸蛸也郭註方言云江東人呼蛸蛸皆聲之轉也

**蛸蛸蛸**

**註**

黑甲蟲吮糞土

**正義**

蛸蛸一名蛸蛸戴侗云甲蟲之巨者黑甲甲下

有翅飛鳴洪洪然好轉牛矢為丸俗亦謂之矢丸案廣雅云天社蛸蛸也說文則以渠邨一日天社蓋以蛸蛸似蜉蝣而名同也**註**黑甲至糞土。**正義**古今註云蛸蛸能以土包糞轉而成丸莊周所謂蛸蛸之智在於轉丸一名蛸蛸一名蛸蛸一名弄丸一名轉丸

**蛸蛸**

**註**

木中蠹蟲

**正義**

蛸蛸為蛸蛸之在木中者說文作蛸蛸蛸也詳見下**註**木中蠹蟲

○**正義**左傳疏引李巡云蛸木蟲也詩疏引孫炎云蛸木蟲也郭氏本李孫為義下文云蛸桑蠹是也

**蟻齧桑**

**註**

似天牛長角體有白點喜齧桑樹作孔入其



中江東呼爲齧髮

**正義** 蟻一名齧桑卽桑蠹之類也玉篇以蟻爲齧桑蠹淮南道應訓

云猶黃鵠與蟻蟲也蟻蟲能緣木上下而飛騰不遠視高飛之黃鵠其大小固不可比量矣**註**似天至齧

髮。**正義**戴侗云俗謂天牛亦謂桑羊虛黑而白駁此蟲似之也

諸慮奚相**註**

未詳**正義**釋文云慮本或作噓相舍人本作桑案奚桑次於齧桑蓋以類相從

者矣或以諸慮爲蚊非也

蜉蝣渠略**註**

似蛄蟻身陝而長有角黃黑色叢生糞上

中朝生暮死豬好啖之

**正義**詩疏引舍人云蜉蝣一名渠畧南陽以東曰蜉蝣梁

宋之閒曰渠畧孫炎云夏小正云蜉蝣渠畧也朝生而暮死案夏小正云五月浮游有殷殷衆也浮游殷之時也浮游也者渠畧也朝生而暮死稱有何也有見也曹風云蜉蝣之羽衣裳楚楚說文作衣裳黼黻

云會五彩鮮色也。蜉蝣帶甲有似衣裳厥色黃黑似  
采色之會故詩訓之黼黻矣。大戴禮記易本命云蜉  
蝣不飲不食淮南詮言訓云龜三千歲蜉蝣不過三  
日以蜉蝣而為龜憂養生之具人必笑之矣。方言云  
蜉蝣秦晉之間謂之蜉蝣。說文云蜉蝣也。一日蜉  
蝣朝生暮死者玉篇作蜉蝣。果蠃皆聲近而字體遞  
變也。**註**似蛄至啖之。**正義**詩疏引陸璣疏云蜉蝣  
方土語也。通謂之渠略似甲蟲有角大如指長三四  
寸甲下有翅能飛夏月陰雨時地中出今人燒炙噉  
之美如蟬也。樊光謂之糞中蜉蝣。隨陰雨時為之朝  
生而夕死。案郭氏方言註云似天牛而小  
有甲角出糞土中朝生夕死與此註畧同

# 蜉蝣

**註**甲蟲也大如虎豆綠色今江東呼黃蜉

**正義**蜉一

名蜉蝣說文作蜉蝣。考工記云以翼鳴者鄭註以  
為發黃之屬也。蜉通作蜉。又轉作發蜉。省作黃其音  
義同也。**註**甲蟲至黃蜉。**正義**御覽引孫炎云翼在  
甲裏凡甲蟲之能飛者皆甲下有翅也。衆經音義引

爾雅註作江南呼為黃瓦疑傳寫之訛  
郭引時諺以蚻一名黃蚌與鄭讀異

蠃與父守瓜註

今瓜中黃甲小蟲喜食瓜葉故名守瓜

**正義**

蠃一名與父一名守瓜說文云蠃蟲也玉篇云

蠃食瓜蟲莊子至樂篇晉芮生乎腐蠃釋文引司馬

彪云蠃蟲名爾雅云一名守瓜一名忿鼠註今瓜至

守瓜。**正義**張湛列子註云謂瓜中黃甲蟲也與郭

註同戴侗云瓜

蠅狀似螢火

蛸蛸

**註**蛸蛸蛸類

**正義**

蛸一名蛸蛸方言云蛸謂

之蛸蛸南楚謂之杜狗或謂之蛸蛸

舊疏云蛸及蛸蛸亦蛸蛸之別名耳

不蠋王蚊

**註**未詳

**正義**

玉篇以蚊為蟊蟊

蛄蜚強蚌

**註**今米穀中蠹小黑蟲是也建平人呼為蚌

子正義姑蜚一名強蜚說文作姑蜚強蜚也今米中蟲多隨米色而變黑甲者能齧人或糴米作繭米

原中有之耗米玉篇作姑蠅米中蟲也註今米至蟬

子○正義方言云姑蜚謂之強蜚郭氏彼註云米中

小黑甲蟲也江東謂之蜚音加建平人呼蜚子音芊

芊卽姓也案今俗呼米中黑蟲爲揚甲亦呼楊子疑

芊誤爲芊又音

轉爲楊子也

不過螭壤註

蟻卵也

云蠹壤螳蜋一名不蛸李巡云其子名蜺蜺卽蜺蜺

案說文云蜚蠊不過也蜚蛸堂蛸子本爾雅爲義也

月令云小暑至螳蜋生鄭註螳蜋母也太平御覽引

蔡邕章句云蟲名食蟬殺蟲逸周書時則解云芒種

之曰螳螂不生是謂陰息通卦驗作夏至螳

蚋生是蚋感陰氣而生故能殺蟲也下文云莫虜

螳螂蟬卽蟪蛄也藝文類聚云王璣問曰爾雅莫貉  
螳螂同類物也今沛魯以南謂之蟪蛄三河之域謂  
之螳螂燕趙之際謂之食鹿齊濟以東謂之馬敎然  
名其子則同云螳螂是以証云螳螂蟬蛄母也此蓋  
鄭志之文禮記疏引作方言疑傳寫之訛註一名至  
卵也○**正義**陶註本草云螳螂逢樹便產以桑上者  
爲好是兼得桑皮之津氣也證類本草云螳螂在處  
有之螳螂卵也多在小桑樹上叢荆棘間三四月中  
數百枚一枝出

蒺藜螳螂

**註**

似蝗而大腹長角能食蛇膽

**正義**

蒺藜一

齊物論云螳螂甘帶釋文引司馬彪云帶小蛇也螳  
螂好食其眼淮南說林訓云螳螂游霧而殆於螳螂  
螳螂能斃大蛇不獨食小蛇之膽矣太平御覽引春  
秋考異郵云土勝水故螳螂搏蛇宋均以爲螳螂生  
於土蛇藏物屬於坎坎爲水爲隱伏也王逸九思云  
螳螂兮穰穰註云將變貌螳螂至秋而變也今螳螂

狀若水蝦小者一寸大至一丈尾有光山中大蛇自斃者皆為其所殆蛇腐後復化螂蛆闕尹子三極篇云螂蛆食蛇蛇食蛙蛙食螂蛆互相食也註似蝗至蛇腦○正義廣雅云螂蛆蜈蚣也衆經音義引字林云蜈蚣也玉篇廣韻並以為蜈蚣矣今螂蛆為蜈蚣之屬而非蜈蚣也高誘淮南註云螂蛆蟋蟀也爾雅謂之蜻蛉上蛇蛇不敢動案今捕蟋蟀者多於蛇穴其氣能制蛇然以為即螂蛆則非也

蜾蠃

註

蝗子未有翅者外傳曰蟲舍蜾蠃

正義

左傳疏引李巡

云蜾蠃一名蜾蠃蝗子也漢書五行志引董仲舒劉向說並以爲蝗始生也春秋宣十五年冬蜾生杜預謂蠶子以冬而生遇寒而死故公羊傳云幸之也註蝗子至蜾蠃○正義郭以蝗始生者皆不生翅申言蝗子之狀也說文引劉歆說蜾蠃復陶也蚰蟥子五行志引劉歆說則以為蚰蟥之有翼者食穀爲災孔穎達以劉歆說爲非也外傳曰蟲舍蜾蠃者魯語里革諫宣公之詞韋昭註蜾蠃復陶也可食祭統云陸產之

臨鄭註以為

蜺蝶之屬

蟋蟀

基

今促織也亦名青蛩

正義

詩疏引李巡云蜚

禮記疏引孫炎云蜻蛚也梁國謂蜚說文作悉蛩考  
工記云以注鳴鄭註以為精列之屬也蟋蟀微蟲而  
可以趨民務故古者多取以紀時候焉月令云季夏  
之月蟋蟀居壁逸周書時訓云蟋蟀不居墜急迫  
之暴孔穎達云此物生在於土中至季夏羽翼稍成  
未能遠飛但居其壁至七月則能遠飛在野此言其  
生成之漸也易通卦驗云立秋蜻蛚鳴鄭註蜻蛚蟋  
蟀之名也此紀其鳴之時也唐風云蟋蟀在堂毛傳  
蟋蟀蜚也九月在堂幽風云十月蟋蟀入我牀下此  
言其因寒而漸近人也蟋蟀易識之物禮記疏引蔡  
氏說以為斯螽太平御覽引毛詩義問云蟋蟀食蠅  
而化成高誘淮南註以蟋蟀為蚍蜉皆異說不可從  
謂之蜚南楚之間謂之蛩孫郭氏彼註云即趨織也

梁國呼蜚詩疏引陸璣疏云蟋蟀似蝗而小正黑有光澤如漆有角翅一名蜚一名蜻蛚楚人謂之王孫幽州人謂之趨織里語曰趨織鳴螻婦驚是也

蟹

**註**

蛙類

**正義**

玉篇云蟹蝦蟇也月令孟夏之月蟷蟷鳴釋文引蔡氏云蜎蛙也蛙卽蝦蟇也

高誘淮南註云蜎蝦蟇也四月陰氣始動於下故鳴秋官蜎氏掌去蜚蠊鄭註云齊魯之間謂蜚爲蜎蜎與耿黽尤怒鳴爲聒人耳故去之案蟾諸及耿黽俱見釋魚蜎爲蛙類見於此篇者以蟲魚之類有相通者也

蝦蟇

**註**

馬蠲蚘俗呼馬蜮

**正義**

蝦一名馬蜮又名馬蠲說文云蠲馬蠲也明堂

月令云腐草爲蠲呂氏春秋作腐草爲蜎是馬蠲又名蜎又名馬蜮又名商蜮文子上德篇若蜎之足衆而不相害莊子秋水篇云夔憐蜮蜮憐蛇釋文引司馬彪云蜮馬蜮蟲也夔一足蜮多足蛇無足莊子又



云使商虬馳河必不勝任矣司馬彪云商虬蟲名北燕謂之馬蛇淮南記論訓云虬足衆而走不若蛇高誘謂馬虬一名螢火非也博物志云馬蛇一名百足中斷則首尾異行而去足矣註馬獨至馬蛇正義方言云馬蛇北燕謂之蛆蝶其大者謂之馬蛆郭氏彼註蛆音逐今關西云廣雅云蛆渠馬蛭馬蛇也

**皇蟲螬**

註詩曰趯趯皇蟲草蟲負螬

註詩云嘒嘒草蟲

謂常羊也蜚螬蜈蚣註蜈蚣也俗呼春黍螬螬蜈蚣

註今俗呼似蜈蚣而細長飛翅作聲者爲蜈蚣土蟲

**蟻谿**

註似蝗而小今謂之土蝶

正義左傳疏引李巡云皆分別蝗子異方

之語也○皇蟲螬○皇蟲一名螬爲蟲之總名春秋桓五年螬杜預云蜈蚣之屬爲災蓋舉其類言之漢書五行志註云皇蟲今之蝗蟲也詩疏引李巡云蝗子也陸璣疏云今人謂蝗子爲蟲子兖州人謂之騰

許慎云蝗蝻也蔡邕云蝻蝗也明一物○草蝻負蟄  
○蝻之在草中者爲草蝻一名負蟄說文云蟄負蟄  
也名南鄭箋云草蟲鳴阜蝻躍而從之異種同類小  
雅箋又云草蟲鳴晚秋之時也詩釋文引陸璣疏云  
一名負蟄大小長短如蝗而青也詩疏引陸璣云奇  
音青色好在茅草中○蝻蝻蝻○似草蟲而大夏  
以股鳴鄭註謂蝻蝻動股屬幽風云五月斯蝻動股  
毛傳斯蝻蝻也周南云蝻斯羽說詩毛傳蝻斯  
蝻蝻也是斯蝻蝻斯互言之實一物也鄭箋云凡物  
有陰陽情慾者無不如忌維蝻蝻不耳疏引陸璣云  
幽州人謂之春箕春箕卽春黍蝗類也長而青長角  
長股股鳴者也或謂似蝗而小斑黑其股似璫珎又  
五月中以兩股相切作聲聞數十步是也○蝻蝻蝻  
蝻○似斯蝻而細長者爲蝻蝻一名蝻蝻左傳疏引  
樊光云蝻蝻土蝻皆蝻蝻之屬○土蝻蝻蝻○蝻之  
生於土中者爲土蝻青色善躍南方稻隴中時有之  
不爲異也多則爲災

**註**

詩日至羊也○

**正義**

名南草

蟲小雅出車並云嘒嘒草蟲趨趨阜螽鄭康成以爲  
鳴躍之相應其天性然也毛傳云草蟲常羊也負蟻  
蟻也郭註本毛傳阜當從毛詩作阜○蟻蟻至春黍  
○**正義**詩疏引舍人云蟻蟻卽今所謂春黍也方言  
云春黍謂之蟻蟻郭氏彼註云又名蟻蟻○今俗至  
蟻蟻○**正義**蟻蟻長翅而能飛漢書五行傳所謂介  
蟲有甲能蜚揚之類也○似蝗至土中蝶○**正義**釋文  
云蝶字又作虵虵蟻也善跳今虵蟻生土中躍起不  
過尺許故謂之土螽郭註方言  
以虵蟻爲虵蟻蓋舉類言之也

蟪蛄

**註**卽蜚蟪也江東呼寒蛄

**正義**蟪蛄一名賢  
蟪說文云蟪蛄也

蟪側行者月令孟夏之月蟪蛄出仲冬之月蟪蛄結  
疏引蔡邕章句云結猶屈也蟪蛄出穴屈首下嚮陽  
氣氣動則宛而上首故其結而屈也通卦驗云芒種  
蟪蛄出鄭康成註云舊說蟪蛄淫邪按太平御覽引  
郭氏讚云蟪蛄土精無心之蟲交不以分婦於阜螽  
觸而感物無有常雄是也大戴禮記易本命云食土

者無心而不息盧辨註云蚯蚓之屬趙岐孟子註云  
蚓食土飲泉極廉矣然無心無識皆以蚓為無心之  
蟲也荀子勸學篇則云蚯蚓無爪牙之利筋骨之強上  
食埃土下飲黃泉用心一也蟹六跪而二螯非蛇蟻  
之穴無所寄託者用心躁也是蚓非無心者矣太元  
銳之初六云蟹之郭索後蚓黃泉則曰蟹之郭索心  
不一也本荀子為義註即獵至寒蚓。正義廣雅云  
蟹蟺蚯蚓也寒蚓釋文本作蟭蚓吳普本草謂之附  
蚓今人謂之曲蚓

莫豹蟪蛄

註

蟪蛄有斧蟲江東呼為石蟪孫叔然以

方言說此義亦不了

正義上文云不過蟪蛄此又廣  
其名也蟪蛄一名莫豹又名蟪

蛄又名蟪詳見上文註蟪蛄至不了。正義蟪蛄有  
斧蟲者高誘淮南註云蟪蛄世謂之天馬一名鼃蛄  
充豫謂之巨斧也蟪蛄有臂如斧故又謂之巨斧莊  
子人間世云女不知夫蟪蛄乎怒其臂以當車轍不

知不勝任也韓詩外傳云齊莊公出獵有螳螂舉足將搏其輪螳螂二臂四足其搏輪者臂也云江東呼為石磳者郭註方言云江東呼為石磳陶註本草亦云俗呼石磳也云孫叔然以方言說此義亦不了者方言云螳螂謂之髦或謂之虻或謂之蜉蜉孫叔然据方言此文取下文虻字上屬郭氏所不從也說文作丁螳負勞則虻字不應上屬矣

丁螳負勞註

或曰卽蜻蛉也江東呼狐梨所未聞

正義

一名負勞郭氏引舊說以為卽蜻蛉也淮南齊俗訓云水蓴為螳慈高誘註云青蛉也說林訓云水蓴為螳註云水蓴化為螳螳青蜉也案蜻蛉生於水中多飛水上羅願謂附物施卵仍為水蓴也註江東至未聞○正義方言云蜻蛉謂之螂蛉郭氏彼註云六足四翼蟲也江東名為狐梨淮南呼蜉蜉釋文引字林云蜻蛉一名桑根高誘呂覽註云蜻蛉細腰四翅一名白宿皆異名也郭引舊說仍疑未能定故云未聞

蛸毛蠹

註

卽載

**正義**蛸一名毛蠹說文作蛸毛蠹也載

說文云載毛蟲也釋文云今俗呼毛載有毒螫人楚辭云載緣兮我裳案釋文所引王逸九思之詞也

螺蛄

註

載屬也今青州人呼載爲蛄蛄螫孫叔然云八

角螫蟲失之

**正義**

螺一名蛄螫說文作蛄斯墨也本草別錄云雀巢生樹枝間蛄螫房也陶

註云蛄螫蛸蟲也其背毛螫人陳藏器云蛸蟲好在果樹上大小如螻身面背上有五色斑文毛有毒能

螫人欲老者口吐白汁凝聚如雀卵其蟲以藥爲繭在中成蛹夏月羽化而蟻生於葉間如螻子

至失之。**正義**郭氏據時驗定爲載屬孫叔然謂八角螫蟲郭氏所不從也說文云螫蟲出行毒也

蟠鼠負

註

義器底蟲

**正義**蟠一名鼠負說文云蟠鼠婦

文所云蟠威委黍與此爲一物也幽風東山云伊威在室鄭箋以爲室無人有此物也本草云鼠負一名

負蟠一名伊威一名委黍陶註云多在鼠坎中鼠背負之今作婦字則似乖理一名鼠姑案婦負聲相近

古字通用爾雅經本草謂之濕生蟲註釜器底蟲正

義詩疏引陸璣疏云伊威一名委黍一名鼠婦在壁

根下夷底土中生似白魚者是也玉篇云蟪鼠婦案蟪蟲本草謂之地鼈與鼠婦狀相似是其類也

**蟬白魚**

註衣書中蟲一名蛎魚正義蟬一名白魚穆天子傳云一名衣魚穆天子傳

云蠹書於羽陵郭氏彼註云暴書蠹蟲因曰蠹書也詩疏引陸璣疏云蘭香草可著粉中藏衣著書中辟

白魚是衣書中蟲俱名白魚也註一名蛎魚正義廣雅云白魚蛎魚也鄭註秋官翦氏又謂之蠹魚

**蜚羅**

註蜚蜚正義蜚一名羅說文云蜚蜚化飛蟲大戴禮記易本命篇云食桑者有絲而蛾論衡

無形篇蜚食桑老績而為繭繭又化而為蛾蛾有兩翼變去蜚形案蜚為蜚之再變者也註蜚蜚正義

說文云蜚止絲蟲埤雅引孫炎云蛾即是雄羅即是雌蓋孫炎正義之文也案今人有蜚子者亦取蜚蛾

相匹謂之對蛾荀子蠶賦所云有父母而無牝牡者  
言為蠶之時未有牝牡也至化為蛾則有雌雄矣蛾  
即為羅以聲轉而有二名猶釋草以莪為蘿也  
孫炎正義迺欲以蜚羅分別雌雄殊為穿鑿

翰天雞

**註**

小蟲黑身赤頭一名莎雞又曰枹雞

**正義**

翰

雞即莎雞也爾風七月云六月莎雞振羽毛傳莎雞  
羽成而振訊之疏引李巡云一名酸雞陸璣疏云莎  
雞如蝗而斑色毛翅數重其翅正赤或謂之天雞六  
月中飛而振羽索索作聲幽州人謂之蒲錯案莎雞  
翅分兩重外灰色而內深紅五色皆具太平御覽引  
廣志云莎雞似蠶蛾而五色赤日攀雞是也監本翰  
作翰註小蟲至枹雞。**正義**太平御覽引孫炎云小  
蟲黑身赤頭一名莎雞廣雅云枹鳴枹雞也是郭註  
所本也

傳負版

**註**

未詳

**正義**

傳一名負版柳宗元蝻蝻傳云蝻  
蝻者善負小蟲也行遇物輒持取昂其



首負之背逾重雖困劇不止也其背甚濕物積因不散卒踴仆不能起人或憐之為去其負苟能行又持取如故又好上高極其力不止至墜地死案宗元所說似寓言然負重之蟲所在有之特未聞有負版之名耳玉篇云蜚蜚蜚也則當云傳負一名蜚

强蜥

**註**

卽强醜將

**正義**

强一名蜥玉篇云强米中蟲小蟲也是卽上文所謂蜥蜥强蜥矣郭

又引下文强醜埒為證也

蜥何

**註**

未詳

**正義**

蜥一名蜥何說文作商何玉篇作蜥何也又云蜥蜥蜥蜥集韻引爾雅

蜥何以為蜥之類也

蜥

**註**

蜥

**正義**

蜥一名蜥說文云蜥蜥蟲也玉篇云蜥蜥者蜥也案蜥者成蜥蜥在蜥中荀子蜥

賦云蜥以為母蜥以為父此五舉言之言蜥破蜥而為蜥蜥生蜥子耳卑雅引孫炎正義云蜥卽是雄蜥

卽是雌謂蛹有  
雌雄非所問也

**蜺縊女**

**註** 小黑蟲赤頭喜自經死故曰縊女

**正義** 蜺一名縊女太

平御覽引孫炎云小黑蟲赤頭三輔謂之縊女此蟲  
多民多縊死又引異苑云縊女蟲也一名蜺長寸許  
頭赤身赤恒吐絲自懸六書故  
引說文蜀本云化為蝶是也

**蚍蜉大螳**

**註**

俗呼爲馬蚍蜉小者螳

**註**

齊人呼螳爲蜉

**蟹打螳**

**註**

赤駁蚍蜉蠹飛螳

**註**

有翅其子蚍

**註**

蚍蟻

卵周禮曰蜃蜺醬

**正義**

此別螳之類也。蚍蜉大螳

作蚍蜉詩疏引舍人云蚍蜉卽大螳也小者卽名螳  
也夏小正云十有二月元駒賁元駒也者螳也賁者  
走於地中也學記云蛾子時術之鄭註云蛾蚍蜉也  
蚍蜉之子微蟲耳時術蚍蜉之所爲其功乃復成大

垤淮南修務訓云螳知爲蛭幽風東山云鵲鳴于垤  
文選註引韓詩云巢居知風穴居知雨天將雨蟻出  
壅土鵲鳥見之長鳴而喜論衡商蟲篇云天將雨螳  
出螳蜚爲與氣相應也釋文云螳本作蟻俗作蟻字  
音同。螳打螳。赤色之螳名葉一名打螳山海經  
所謂朱蟻其狀如蟻也戴侗云蛆蟻狀如墨蟻化而  
羽能整人爾雅所謂丁蟻也。蠃飛螳。螳之有翅  
者名蠃一名飛螳羅願云杜中白螳之所化也以泥  
爲房詰屈而上往往變化生羽遇天晏溫羣隊而出  
飛亦不能高尋則脫翼籍籍在地而死。其子蚻。  
螳之子名蚻夏小正云二月抵蚻抵猶推也蚻螳卵  
也爲祭醢也取之則必推之推之不必取故言推而  
不言取魯語云蠃舍蚻蚻草昭註云蚻螳子也可以  
爲醢。**註**俗呼至蚻蚻。**正義**今蟻之大者俗呼爲馬  
蟻。齊人至爲蚻。**正義**方言云蚻蚻齊魯之間謂  
之蚻螳西南梁益之間謂之元蚻燕謂之蛾蚻其場  
謂之蚻或謂之垤釋文引字林云北燕人謂蚻蚻曰  
蚻義本方言郭云齊人呼螳爲蚻各以方俗語爲驗

也。周禮至蜚醬。正義天官醢人饋食之豆有  
蜚蜚醢鄭註蜚蜚子是也醢為肉醬故此云醬

次蜚蠊蠃蠃蠃蠃註今江東呼蜚蠃土蠃蠃註在地

中布網者草蠃蠃註絡幕草上者正義此別蜘蛛之  
名及其種類也。

次蜚至蠃蠃。方言云蠃蠃蠃蠃也。自關而西秦晉  
之間謂之蠃蠃。蠃蠃者侏儒語之轉也。北燕朝鮮洿水之間  
謂之蠃蠃。說文云蠃蠃蠃也。或作蜘蛛。又云蠃蠃作  
罔蛛。蠃也。蠃蠃即次蜚之異文也。蜘蛛布網以背飛  
蟲故抱朴子謂太昊師蜘蛛而結網。春秋二時蜘蛛  
吐游絲或至數丈。太元務次五云蜘蛛之務不如蠃  
之綸。測曰蜘蛛之務無益人也。土蠃蠃。蜘蛛在  
土中者為土蜘蛛。陳藏器所謂孔穴中作網。開一門  
出入者也。或以為即下文蛺蝶。按蛺蝶似蜘蛛耳。非  
即蜘蛛也。詳見下。草蠃蠃。蜘蛛之在草上者名  
草蜘蛛。太平御覽引廣志云草蜘蛛在草上色青土

蜘蛛在地上春行草間索索聲也註今江至蝦蟇。

**正義**郭註方言云今江東呼蝦蟇螯齊人又呼社公亦

言問

工

**土蠹**註

今江東大蠹在地中作房者為土蠹啖其子即

馬蠹今荆巴間呼為壇木蠹註似土蠹而小在樹上

作房江東亦呼為木蠹又食其子正義此別蠹之類也說文云蠹飛蟲

螯人者左氏僖二十二年傳云蠹蠶有毒蠹類甚多而皆能螯人又皆可釀蜜故說文以蜜為蠹甘節也

在地中者名土蠹莊子庚桑楚云奔蜂不能化藿蠋釋文引司馬彪註奔蜂一日土蜂也其在樹上者名

木蠹註今江至為蠹。**正義**陳藏器本草註云土蜂穴居作房赤黑色最大螯人至死亦能釀蜜其子亦

大而白案蠹子可食故內則謂蜂為范也檀弓云范則冠孔疏謂蜂頭上有物似冠也上蠹即馬蠹荆巴

間呼爲蜋廣異名也。似土至其子。正義羅願云今土木之蠶亦各有蜋北方地燥多在土中故多木蜋木蠶子亦可食也。

在糞土中蠕蠕蛄註

在木中今雖通名爲蝸

**正義**此別蝟之異名也。○蝟，蝟蝟。蝟之在於土中者，名蝟。一名蝟蝟。莊子至樂篇云：烏

所在異正義此別蝓之異名也。蝓蝓蝓。蝓之在  
足之根爲蝓蝓其葉爲胡蝶釋文引司馬彪云烏足  
草名生水邊蝓蝓也胡蝶蛺蝶也草化爲蟲蟲化  
爲草未始有極太平御覽引陸璣疏云蝓蝓生糞土  
中博物志云蝓蝓以背行駛於用足也。蝓蝓蝓。  
蝓之在木中者名蝓蝓衛風碩人云領如蝓蝓毛傳  
蝓蝓蝓蟲也孔疏云以在木中白而長故以此頸方  
言云蝓蝓謂之蝓自關而東謂之蝓蝓或謂之卷蝓  
或謂之蝓蝓梁益之間謂之蝓或謂之蝓或謂之蝓  
蝓秦晉之間謂之蝓或謂之蝓蝓蝓蝓蝓蝓蝓蝓  
也詩疏引孫炎云蝓蝓謂之蝓蝓關東謂之蝓蝓梁

益之間謂之蝎木方言為義也此即上文所云蝎堀下文又云蝎桑蠹也

蚘威委黍註

舊說鼠婦別名然所未詳

**正義**詩疏引舍人云伊威名委

黍案說文云委黍鼠婦是委黍為鼠婦別名無可疑也上文云蟠鼠負詳見上

蟪蛄長踦註

小鼃鼃長脚者俗呼為喜子

**正義**詩疏引舍人云蟪蛄

名長踦說文云蟪蛄長股者關風東山云蟪蛄在戸疏引陸璣疏云蟪蛄長踦一名長脚荆州河内人謂之喜母此蟲著人衣常有親客至有喜也南州人謂之親客亦如蜘蛛為羅網居之是也  
**正義**太平御覽引劉芳詩義笈云蟪蛄小蜘蛛長脚者俗呼為喜子與郭註同玉篇亦云蟪蛄喜子今

俗語  
猶然

蛭蟪至掌註

未詳

**正義**

本草云水蛭一名至掌是蛭蟪即釋魚所謂蛭蟪也蛭為水族而互

見於釋蟲者蛭之類有草蛭在深山草中有不蛭生石上有泥蛭生泥中是為蟲類論衡商蟲篇云下地之澤其蟲曰蛭蛭食人足亦以蛭為蟲也詳見釋魚

**國貉蟲蠶**

**註**今呼蛹蟲為蠶廣雅云土蛹蠶蟲

**正義**國貉一名

蠶蠶說文云蠶知聲蟲也玉篇云蠶禹蟲也**註**今呼至蠶蟲○**正義**廣雅云土蛹蠶蟲也郭氏又以時驗

為證也蠶說文亦作蛭

**雙𧈧**

**註**今𧈧𧈧

**正義**雙一名𧈧雙考工記謂之斤雙鄭註屈蟲也繫辭傳云尺蠖之屈以

求伸也說文云尺蠖屈伸蟲也郭氏讚云貴有可賤賤有不珍嗟茲尺蠖體此屈伸論說龍蛇見數聖人

**註**今𧈧𧈧

○**正義**

方言云墳𧈧謂之𧈧雙郭氏彼註云又呼步屈廣雅云尺蠖墳𧈧也衆經音義引舍人

云朱地日尋桑也又引纂文云吳人以步屈名桑閭一名𧈧𧈧太平御覽引郭氏云尺蠖有呼步屈其色



青而細小或在草木葉上今螺贏所負以爲子者蓋郭氏音義之文也今屈伸蟲多在桑樹上色青而小其在他草木上者隨所食而變故晏子春秋謂尺蠖食黃卽身黃食蒼卽身蒼也

果蠃蒲盧註卽細腰蠶也俗呼爲蠋蠃螟蛉桑蟲註俗

謂之桑螵亦曰戎女正義小雅小宛云螟蛉有子果蠃負之此釋之也鄭箋云蒲盧

取桑蟲之子負持而去煦嫗養之以成其子鄭註中庸亦云蒲盧螟蠃謂土蜂也蒲盧取桑蟲之子去而變化之以成爲己子也詩疏引陸璣云螟蛉者桑上小青蟲也似步屈其色青而細小或在草萊上螺贏土蜂也似蜂而小腰取桑蟲負之於木空中七日而化爲其子案說果蠃者舊無異說陶宏景註本草通串云今一種蜂黑色腰甚細銜泥於人屋及器物邊作房如併竹管者是也其生子如粟米大置中乃捕取草上青蜘蛛十餘枚滿中仍塞口以待其子大爲糧也其一種入蘆管中者亦取草上青蟲以舊說變成

己子爲謬蘇頌云物類變化固不可度如陶所說卵  
如粟者未必非祝蟲而成之者也案法言學行篇云  
螟蠕之子螻逢螺贏祝之曰類我類我久則有之矣  
揚雄所說卽詩教誨爾子式穀似之義合諸莊子  
淮南則知化生之說不可易矣註卽細至螻蝻。正  
義卽細腰蠶者說文云蠶蠶蒲盧細要土蠶也天地  
之性細要純雄無子莊子天運篇云細要者化釋文  
引司馬彪云取青蟲子祝使似之也淮南說山訓云  
貞蟲之動以毒螫高誘註云貞蟲細要蜂蠆之屬  
無牝牡之合曰貞有毒故能螫是皆果蠶無牝牡之  
證旣無牝牡則其子爲他蟲化成無可疑矣郭又云  
俗呼爲螻蝻者方言云蠶燕趙之間謂之螻蝻其小  
者謂之螻蝻郭氏彼註云小細腰蠶也。俗謂至戎  
女。正義郭註山海經云蒲盧螟蛉也蓋以螟蛉能  
化蒲盧故得蒙其名矣俗謂之桑螟者玉

蜋桑蠹

註卽蛄蜋

正義說文云蠹木中蟲文子云木生  
蠹反自食淮南說林訓云蠹衆則木

折上文云蛭蝓通言木中之蠹此言桑木之蠹亦名爲蝓論衡商蟲篇云桂有蠹桑有蝓是也

**正義**詩疏引孫炎云

蛭蝓也郭註本孫炎

熒火卽炤註夜飛腹下有火正義熒火一名卽炤月令

書時訓解云大暑之日腐草化爲螢月令疏引蔡邕章句云鳩化爲鷹鷹還化爲鳩故稱化今腐草爲螢螢不復爲腐草故不稱化案時訓解螢亦稱化蔡氏之說非也螢火感暑溼之氣而化至秋天陰沈數雨入夜螢火亂飛故幽風東山云熠燿宵行至八月則食蚊蚋故夏小正云八月丹鳥羞白鳥丹鳥也者謂丹良也白鳥也者謂蚊蚋也禮記疏引皇侃說謂丹良是熒火古今註亦云螢腐草爲之食蚊蚋焉本草云螢火一名夜光一名熠燿廣雅云景天螢火燐也毛傳亦云燐螢火也註夜飛至有火正義詩疏引舍人云螢火卽炤夜飛有火蟲也禮記疏引李巡云螢火夜飛腹下有火光故曰卽炤是郭註所本也郭

氏讀云熠燿宵行物之微么出自腐

草煙若散漂物之相照孰知其阿

密肌繼英

註未詳

正義繼英玉篇作蠟  
蠟謂之密肌未詳

蛭烏蠋

註大蟲如指似蠶見韓子

正義蛭一名烏蠋說  
文作蜀云葵中蠶也

幽風東山云蛭蠋者蠋詩疏謂樊光註引此詩鄭箋

云蠋蛭蛭然特行莊子庚桑楚云奔蜂不能化蠋蛭

釋文引司馬彪云蠋蛭豆蔻中小青蟲也太平御覽

引廣志云蠋蛭有五色者蠋蛭亦作蠋化蠋子子諸

草木皆有之故說文以為蠋也韓奕毛傳作厄烏蠋

註見韓子○正義韓非內儲說云蛭似蛇蠋似蠋人

見蛇則驚駭見蠋則毛起然而婦人拾蠋而漁者握

蠋利之所在則亡其所惡皆為孟賁淮南說林訓亦

云蠋之與蛇蠋之與蠋狀相類而愛憎異高誘

註愛蠋與蠋畏蛇與蠋是蠋為似蠋之蟲也

蠓蠓

註

小蟲似蚋喜亂飛

正義蠓一名蠓蠓文選註  
引孫炎云蠓蠓蟲小於蚊

埤雅引係炎此蟲微細羣飛淮南所謂飛蟲滿野高誘以飛蟲卽蟻蠓也飛蟲又轉作蜚鴻史記索隱云蜚鴻蟻蠓也其在蟻中者名醯雞莊子田子方篇云其猶醯雞與郭象註醯雞甕中之蟻蠓釋文引司馬彪云酒上蟻蠓也列子天瑞篇醯雞生乎酒抱朴子云蟻蠓之育於醯酢今蟻蠓酒醯之甕皆有之註小蟲至亂飛○正義衆經音義引郭註云小蟲似蚋風春兩體者也與今本異疑係郭氏音義之文

王蚨蟬註

卽螳螂似蠶龜在穴中有蓋今河北人呼蚨

蟬

正義

王一名蚨蟬鬼谷子內揅篇云若蚨母之從其子也出無間人無厭獨往獨來莫之能止註云

蚨母螳螂也似蜘蛛在穴中有蓋言蚨母養子以蓋覆穴出入往來初無間厭故物不能止之註卽螳至

蚨蟬

正義

劉崇遠金華子云長安間里中小兒常

以鐵草刺地穴間共邀勝負以手撫地曰顛當出來既見草動則鈎出赤色小蟲形似蜘蛛江南小兒謂之鈎駱駝其蟲背有若駱峯然也明經劉寡辭曰此

爾雅所謂王蚨蟬也案今時北方以蚨蟬爲  
顛當小兒以織草刺地穴畧如崇遠所言

蠨桑繭註食桑葉作繭者卽今蠶雖由樗繭註食樗葉

棘繭註食棘葉樂繭註食樂葉虬繭註食蕭葉皆

蠶類

正義說文云繭蠶衣也此別蠶類其名因所食  
之葉而殊也。蠨桑繭。食桑葉而作繭者名

繭今之蠶也鄭註夏官馬質引蠶書云蠶爲龍精月  
直大火則浴其種淮南說林訓云蠶食而不飲二十  
一口而化齊民要術引春秋考異郵云蠶陽物火惡  
水故食而不飲陽立於三春故蠶三變而消死於七  
三七二十一故二十一日而繭今南方養蠶者三十  
六日而化蠶繭則二十一日而化仲長統昌言云寒  
而餓之則引日多溫而飽之則用日少蓋天時有寒  
煥人事有勤惰蠶事之登亦難預計以日也夏小正  
云三月妾子始蠶故爾風以倉庚鳴爲蠶生之候荀  
子蠶賦云三俯三起事乃大已三俯今謂之三眠亦

有四眼者淮南覽冥訓云蠶弭絲而商弦絕高誘註以蠶上下絲於口爲弭絲也春秋繁露實性篇繭待緣以糝湯而後能爲絲今繭有黃白二種繅絲者別而擇之古者桑土宜於堯條桑詠於幽桑繭之利既溥又別其蠶類不專取給於桑繭故能衣被天下老者皆得衣帛後世桑繭之利專重東南原蠶無禁且以八繭之蠶爲美談矣○繭由桴繭○食桴葉而成繭者名繭由今人名桴者曰臭椿後世所謂椿綱其繭桴繭所成與○棘繭○蠶類之食棘葉而成繭者或以爲柘蠶與桑蠶並育卽棘蠶也○樂繭○樂者本草有樂華蘇恭云葉似木槿而薄細蠶類有食其葉而成繭者與桴蠶棘蠶同爲野蠶之屬荀子蠶賦云人屬所利飛鳥所害謂野蠶也○蛭蕭蠶○玉篇云蛭蠶類食蒿葉蒿卽蕭也今嶺南蠶或食紫蘇葉

翦醜鰾

註

剖母背而生

蚤醜奮

註

好奮迅作聲

强醜

將

註

以脚自摩

將蠶醜

註

垂其腴

蠅醜

扇

註

好搖翅

**正義**此別蟲類所生與其狀也。廣雅云醜類也。翥醜。方音云翥舉也。楚謂之翥。說文云翥飛舉也。凡飛翥之屬多裂母背而生。故說文又云坼裂也。舊疏謂蟬屬皆剖拆母背以爲孔罅而出也。蠶醜奮。蝗未成翅時常自奮躍及翅長則高飛矣。莎雞之振羽。虻之善躍皆其類也。強醜持。米中小蟲之類。常自摩抄。釋文引李巡孫炎註云以口持其翅。蠶醜。蠶。蠶種至多而皆能螫人。說文云蠶垂腴也。爾雅翼引孝經援神契云蜂蠶垂腴。卽腹下之螫人者以其有垂芒也。蠅醜。齊風云蒼蠅之聲。小雅云營營青蠅。暑月蒼蠅際曉羣飛作聲。青蠅則終日營營如有所求皆自搖其翅也。肩說文作蠅云搖翼也。凡蠅蚋之屬皆自搖其翅也。

食苗心螟食葉蠋食節賊食根蠹。分別蟲啖食禾所

在之名耳。皆見詩。

**正義**此釋害田穉之蟲之異名也。食苗心螟。左傳疏引舍人云



食苗心者名螟言冥冥然難知也李巡云食禾心爲螟言其姦冥冥難知也說文以爲螟蟲食苗葉者似與雅義異羅願謂食苗心者乃無足小青蟲江東謂之蠨蟲音若橫逆之橫案羅說是也今南方農家謂食心之蟲不可見祇視葉有纏絲卽知有蠨蟲食心矣爾雅覈其實說文言其著也春秋隱五年螟公羊傳曰何以書記災也穀梁傳曰蟲災也甚則月不甚則時月令云仲春行夏令蟲螟爲害鄭註暑氣所生爲災害也又鄭註禮運云昆蟲之災螟螽之屬也。食葉蠨。說文云蠨蟲食苗葉者左傳疏引李巡云食禾葉者言其假貸無厭故曰蠨也蠨通作滕月令云仲夏行冬令百滕時起鄭註滕蝗之屬言百者明衆類並爲害案今稻畦蔬圃中多食葉之蟲其似蠨而青色者不甚爲害細小而黃色者農家忌之。食節賊。詩疏引李巡云食禾節者言貪狼故曰賊也案今田間小青蟲能食禾節虬蟓亦能食節是其類也。食根蟲。說文云蠹蟲食艸根者或作螽古文作蚺左傳疏引李巡云食其根者言其稅取萬民財

貨故曰蠹也案蠹為蟬屬六書故引孫氏說則以為  
蠹蠹蠹也釋分別至見詩○正義左傳疏引孫炎云  
皆政貪所致因以為名詩疏云郭璞直以蠹食所在  
為名而李巡孫炎並因託惡政則災由政起雖食所  
在為名而所在之名緣政而致理為兼通也陸璣詩  
疏云蝗似子方而頭不赤螻蝗也賊似桃李中蠹蟲  
赤頭身長而細耳或說云蠹螻蛄也食苗根為人患  
許慎云吏犯法則生蠹乞貨則生螻舊說螻蛄螻蛄賊  
一種蟲也如言冠賊姦究內外言之耳故健為文學  
曰此四種蟲皆蝗也實不同故分別釋之案四蟲以  
所食為名農家能別其種類其治之亦異以為一種  
蟲者非也郭云皆見詩者小雅大田云去其螟螣及  
其蠹賊鄭箋云此四蟲恒害田中之稼禾又云螟螣  
之屬盛陽氣贏則生之案今南方農家孟春月幾望  
然稽田野謂之照蟻蟲是亦  
古人卜界炎火之遺意也

有足謂之蟲無足謂之豸

正義此別蟲豸之異也史記  
黃帝本紀云淳化鳥獸蟲蟻

正義云蛾音牙直起反爾雅曰有足曰蟲無足曰牙  
案張守節以蛾爲牙是也所引爾雅文有增損爾王  
逸九思云蟲牙今夾余固以足之有無  
爲辨矣舊疏云散言則無足亦曰蟲

爾雅正義卷第十六